


左傳標釋 廿七之冊



宗公

哀公

漢書門			
八	三	六	類
三	一	三	號
三	函	架	冊

內閣文庫			
八	三	六	漢
三	一	三	書
三	函	架	冊


內閣文庫	
番號	漢 8363
冊數	10 (10)
函號	274 166

共十一
春秋五号





春秋左傳卷之二十一



明吳戴文光罔得標釋

張我城德仲叅定

定公二

八年春王正月公侵齊公至自侵齊 二月公

侵齊三月公至自侵齊 曹伯露卒 夏齊國

夏帥師伐我西鄙 公會晉師于瓦公至自瓦

秋七月戊辰陳侯柳卒 晉士鞅帥師侵鄭

遂侵衛 葬曹靖公 九月葬陳懷公 季孫

斯仲孫何忌帥師侵衛 冬衛侯鄭伯盟于曲

敘事能品

坐列言無鬪志顏

高魯人六鈞百八

十斤失強弓得弱

弓故為人斃臨斃

猶射死子鉏言其

勇

中而言無勇乃自

矜語

偽傷足先歸矣兄

乃詐稱其殿魯無

軍政之甚

敘事具品

濮從祀先公盜竊寶玉大弓
八年春王正月公侵齊門于陽州士皆坐列曰顏
高之弓六鈞皆取而傳觀之陽州人出顏高奪人
弱弓籍丘子鉏擊之與一人俱斃偃且射子鉏中
頰殪顏息射人中眉退曰我無勇吾志其目也師
退冉猛偽傷足而先其兄會乃呼曰猛也殿
附二月己丑單子伐穀城劉子伐儀栗辛卯單子
伐簡城劉子伐孟以定王室

附趙鞅言于晉侯曰諸侯唯宋事晉好逆其使猶

子梁樂祁字

潤樂祁子

自留待命

敘事能品細而淨

主人謂齊衝戰事

濕馬衣以敵衝遂

毀郭而入

陽州之役先歸則

任此必敢激其逐

懼不至今又執之是絕諸侯也將歸樂祁士鞅曰
三年止之無故而歸之宋必叛晉獻子私謂子梁
曰寡君懼不得事宋君是以止子子姑使潤代子
子梁以告陳寅陳寅曰宋將叛晉是棄潤也不如
待之樂祁歸卒于大行士鞅曰宋必叛不如止其
尸以求成焉乃止諸州

公侵齊攻廩丘之郭主人焚衝或濡馬褐以救之
遂毀之主人出師奔陽虎偽不見冉猛者曰猛在
此必敗猛逐之顧而無繼偽顛虎曰盡客氣也苦

齊也客氣言非真
越即夷

越生子將待事而名之陽州之役獲焉名之曰陽州

禮卿執羔大夫執雁齊今始知何也

夏齊國夏高張伐我西鄙晉士鞅趙鞅荀寅救我公會晉師于瓦范獻子執羔趙簡子中行文子皆執鴈魯於是始尚羔

前年衛叛晉即齊簡子意欲辱之

晉師將盟衛侯于鄆澤趙簡子曰羣臣誰敢盟衛君者涉佗成何曰我能盟之衛人請執牛耳成何

言小比屬縣
援音最捉持也按其手直至于腕辱之也

曰衛吾温原也焉得視諸侯將軟涉佗按衛侯之手及按衛侯怒王孫賈趨進曰盟以信禮也有如

言晉無禮不欲受

且曰一激

又有再激

將行三激

次第描來情景如觀盡大夫國人皆恐方以戰探之

衛君其敢不唯禮是事而受此盟也衛侯欲叛晉而患諸大夫王孫賈使次于郊大夫問故公以晉詭語之且曰寡人辱社稷其改卜嗣寡人從焉大夫曰是衛之禍豈君之過也公曰又有患焉謂寡人必以而子與大夫之子為質大夫曰苟有益也公子則往羣臣之子敢不皆負羈縶以從將行王孫賈曰苟衛國有難工商未嘗不為患使皆行而後可公以告大夫乃皆將行之行有日公朝國人使賈問焉曰若衛叛晉晉五伐我病何如矣皆曰

六年鄭伐周闕外
晉為周報之

敘事神品
寤桓子弟極公雅
曾孫不狃費宰
志叔孫帶之孫

順祀順羣廟之昭
穆合祀于僖宮將
作大事欲以取媚

都邑兵車
欲以壬辰殺季氏
已以都車攻孟仲

處父期以兵救孟
氏先癸巳一日
此處字字精神
越虎弟
昨驚悸舌不轉也
欲其勉已于難以
繼先人
聞命後言任官晚
也徵召也

春秋左傳卷三十一
五伐我猶可以能戰賈曰然則如叛之病而後質
焉何遲之有乃叛晉晉人請改盟弗許

秋晉士鞅會成桓公侵鄭圍蟲牢報伊闕也遂侵
衛

九月師侵衛晉故也

季寤公鉏極公山不狃皆不得志於季氏叔孫輒
無寵于叔孫氏叔仲志不得志於魯故五人因陽
虎陽虎欲去三桓以季寤更季氏以叔孫輒更叔
孫氏已更孟氏冬十月順祀先公而祈焉辛卯禘

于僖公壬辰將享季氏于蒲圃而殺之戒都車曰

癸巳至成宰公斂處父告孟孫曰季氏戒都車何

故孟孫曰吾弗聞處父曰然則亂也必及於子先

備諸與孟孫以壬辰為期陽虎前驅林楚御桓子

虞人以鉞盾夾之陽越殿將如蒲圃桓子昨謂林

楚曰而先皆季氏之良也爾以是繼之對曰臣聞

命後陽虎為政魯國服焉違之徵死死無益於主

桓子曰何後之有而能以我適孟氏乎對曰不敢

愛死懼不免主桓子曰往也孟氏選圍人之壯者

春秋左傳卷三十一 定公 四

公期孟氏支子
實欲備難不使人
知偽築室聚眾
季入即閉門
武叔叔孫不敢子
名州仇

棘下城內地名

狀魯人之懦入神

言脫死得活樂甚
矣

陽處父名觀貼處
父有情 欲殺桓
子惡其懦也孟孫
不敢 子言季寤

字辨音通徧告廟
飲酒示無懼也形
容魯人之懦更妙

叙事能品

且逆二句複子梁
即樂祈

子明樂濶字古者
同族居有東西宮
南北宮右師即大
心忿其不逆父喪
故逐之使出

樂氏戴公族

春秋左傳

卷三十一

四

必在齊

三百人以為公期築室於門外林楚怒馬及衢而
騁陽越射之不中築者闔門有自門間射陽越殺
之陽貨劫公與武叔以伐孟氏公歛處父帥成人
自上東門入與陽氏戰于南門之內弗勝又戰于
棘下陽氏敗陽虎說甲如公宮取寶玉大弓以出
舍于五父之衢寢而為食其徒曰追其將至虎曰
魯人聞余出喜於徵死何暇追余從者曰嘻速駕
公歛陽在公歛陽請追之孟孫弗許陽欲殺桓子
孟孫懼而歸之子言辨舍爵於季氏之廟而出陽

虎入于謹陽關以叛

九年春王正月 夏四月戊申鄭伯蠆卒 得

寶玉大弓 六月葬鄭獻公 秋齊侯衛侯次

于五氏 秦伯卒 冬葬秦哀公

九年 附春宋公使樂大心盟于晉且逆樂祁之尸

辭偽有疾乃使向巢如晉盟且逆子梁之尸子明

謂桐門右師出曰吾猶衰經而子擊鐘何也右師

曰喪不在此故也既而告人曰已衰經而生子余

何故舍鐘子明聞之怒言于公曰右師將不利戴

春秋左傳

卷三十一 定公

五

必在齊

氏不肯適晉將作亂也。不然無疾乃逐桐門右師

附鄭駟歛嗣子大叔為政殺鄧析而用其竹刑君

子謂子然於是不忠苟有可以加於國家者棄其

邪可也頤推有波靜女之三章取彤管焉竿旄何以告之取

其忠也故用其道不棄其人詩云蔽芾甘棠勿剪

勿伐召伯所爰思其人猶愛其樹况用其道而不

恤其人乎子然無以勸能矣

夏陽虎歸寶玉大弓書曰得器用也凡獲器用曰

得得用焉曰獲六月伐陽關陽虎使焚萊門師驚

議論妙品

析私造刑法書于

竹簡謂之竹刑

弃邪句是跌語

除是邪則可弃耳

忠則何以殺之形

管女史記事之所

詩靜女詩云雖說

美女義在彤管子

旄取其中心願告

人以善道言二詩

皆以一善見采而

鄙不以一善存身

叙事議論妙品

虎以無益近用而

祇為名故歸之

叙得淨且勁活

三加兵于魯

施氏魯大夫

大國謂晉

緊切流活是初傳
調法

收更醒快

虎欲西奔晉知齊
必反已故詐欲東

犯之而出奔齊請師以伐魯曰三加必取之齊侯

將許之鮑文子諫曰臣嘗為隸於施氏矣魯未可

可取也上下猶和衆庶猶睦能事大國而無天菑

若之何取之陽虎欲勤齊師也齊師罷大臣必多

死亡已於是乎奮其詐謀夫陽虎有寵於季氏而

將殺季孫以不利魯國而求容焉親富不親仁君

焉用之君富於季氏而大於魯國茲陽虎所欲傾

覆也魯免其疾而君又收之無乃害乎齊侯執陽

虎將東之陽虎願東乃囚諸西鄙盡借邑人之車

刻其軸使易折以
麻縛刻處使不知
欲絕追者葱靈輜
車各有障蔽者

受亂人也

叙事妙品

為衛伐晉無存齊
人其父將為取婦
有功則還取卿相
女 鬪死門之雷

不曰爭登曰讓登
絕奇登非人所樂
讓眾後而已先書

恐彌先入論以讓
之彌先下更讓書
也息戰訖而息書
言謙甚謂難登也

猛亦謙言已從書
如驂之隨斬

晉車救夷儀者衛
往助齊下兆焦衛
侯怒晉甚不復顧
卜也

以三邑謝衛

前後俱寫齊師和
所以能克有此讓
覺前讓愈有味

賓前主後言彌在
我前

三禘三加禘衣

春秋左傳 卷二十一 齊 必在齊

缺其軸。麻約而歸之。載葱靈寢於其中而逃。追而
得之。囚於齊。又以葱靈逃奔宋。遂奔晉。適趙氏。仲
尼曰。趙氏其世有亂乎。

秋。齊侯伐晉夷儀。敝無存之。父將室之。辭。以與其

弟曰。此役也不死。反必娶於高國。先登求自門出。

死於雷下。東郭書讓登。犁彌從之。曰。子讓而左。我

讓而右。使登者絕而後下。書左。彌先下。書與王猛

息。猛曰。我先登。書歛甲曰。曩者之難。今又難焉。猛

笑曰。吾從子。如驂之斬。晉車千乘在中牟。衛侯將

如五氏。卜過之。龜焦。衛侯曰。可也。衛車當其半。寡

人當其半。敵矣。乃過中牟。中牟人欲伐之。衛褚師

圃亡在中牟。曰。衛雖小。其君在焉。未可勝也。齊師

克城而驕。其帥又賤。遇必敗之。不如從齊。乃伐齊

師敗之。齊侯致禘媚杏於衛。齊侯賞犁彌。犁彌辭

曰。有先登者。臣從之。督憤而衣狸製。公使視東郭

書。曰。乃夫子也。吾貺子。公賞東郭書。辭曰。彼賓旅

也。乃賞犁彌。齊師之在夷儀也。齊侯謂夷儀人曰

得敝無存者。以五家免。乃得其尸。公三禘之。與之

春秋左傳 卷二十一 齊 必在齊

齊火三傳

定公

七

公前齊

犀軒御車直蓋高
蓋引挽裝車者今
之膝坐停車以蓋
表也首尾以敝無
存結句

犀軒與直蓋而先歸之。坐引者以師哭之。親推之。

三

古者四馬夾轅二馬曰服其外二馬曰騂駟
馬之首稍後于服馬斬服馬之當留皮也

十年春王三月及齊平。夏公會齊侯于夾谷。

公至自夾谷。晉趙鞅帥師圍衛。齊人來歸。

鄆謹龜陰田。叔孫州仇仲孫何忌帥師圍郕。

秋叔孫州仇仲孫何忌帥師圍郕。宋樂大

心出奔曹。宋公子地出奔陳。冬齊侯衛侯

鄭游速會于安甫。叔孫州仇如齊。宋公之

叙事辭令妙品

弟辰暨仲佗石彊出奔陳

十年春及齊平。夏公會齊侯于祝其。實夾谷。孔丘

相犁彌言于齊侯曰。孔丘知禮而無勇。若使萊人

以兵劫魯侯。必得志焉。齊侯從之。孔丘以公退曰。

士兵之。兩君合好。而裔夷之俘。以兵亂之。非齊君

所以命諸侯也。裔不謀夏。夷不亂華。俘不干盟。兵

不偪好。於神為不祥。於德為愆義。於人為失禮。君

必不然。齊侯聞之。遽辟之。將盟。齊人加於載書曰。

齊師出竟。而不以甲車三百乘從我者。有如此盟。

令士官以兵擊萊人

辟去萊兵

有如此盟詛之禍

故舊典事會事

犧尊象尊嘉樂鐘

磬等

秕穀不成者稗草

似穀者首鄙敗

恐齊侯懷詐故以禮拒之急于竣事

敘事能品

午晉邯鄲大夫寒

氏即五氏

潛子潛切火息也

孔丘使茲無還揖對曰而不反我汶陽之田吾以共命者亦如之齊侯將享公孔丘謂梁丘據曰齊魯之故吾子何不聞焉事既成矣而又享之是勤執事也且犧象不出門嘉樂不野合饗而既具是棄禮也若其不具用秕稗也用秕稗君辱棄禮名惡子盍圖之夫享所以昭德也不昭不如其已也乃不果享齊人來歸鄆謹龜陰之田

晉趙鞅圍衛報夷儀也初衛侯伐邯鄲午於寒氏城其西北而守之宵潛及晉圍衛午以徒七十人

午衆宵時靡散

殺人門中衛開門

闕也

步其門之左右如植示整

接衛侯手故

傳言勇而無禮速

死

不鈞不與人等死

而必見殺

敘事神品細甚甚

甚情致如生

藐叔孫族公南武

叔黨

門於衛西門殺人於門中曰請報寒氏之役涉佗曰夫子則勇矣然我往必不敢啟門亦以徒七十人且門焉步左右皆至而立如植日中不啟門乃退反役晉人討衛之叛故曰由涉佗成何於是執涉佗以求成於衛衛人不許晉人遂殺涉佗成何奔燕君子曰此之謂棄禮必不鈞詩曰人而無禮胡不遄死涉佗亦遄矣哉

初叔孫成子欲立武叔公若藐固諫曰不可成子立之而卒公南使賊射之不能殺公南為馬正使

邠馬正武叔圍人

禮獻刀先環偽為

固陋不知禮者以

劍鋒未授之

犯專殺武叔必駕

罪焉故叛

工師堂工匠官

四言曰我聞有命

叔孫遂謝其受命

無事不服事一大

公若為邠宰武叔既定使邠馬正侯犯殺公若弗能其圍人曰吾以劍過朝公若必曰誰之劍也吾稱子以告必觀之吾偽固而授之末則可殺也使如之公若曰爾欲吳王我乎遂殺公若侯犯以邠叛武叔懿子圍邠弗克秋二子及齊師復圍邠弗克叔孫謂邠工師駟赤曰邠非唯叔孫氏之憂社稷之患也將若之何對曰臣之業在揚水卒章之四言矣叔孫稽首駟赤謂侯犯曰居齊魯之際而無事必不可矣子盍求事於齊以臨民不然將叛

詐為齊使言

轉用轉滑利國策

紳祖此法

眾言異不與始同

也以邠易齊人與

邠人無異勝于守

邠為叛人所殺

偽呼介因也

偽為犯射邠人

宿東平無鹽縣古

宿區

侯犯從之齊使至駟赤與邠人為之宣言於邠中曰侯犯將以邠易于齊齊人將遷邠民眾兇懼駟赤謂侯犯曰眾言異矣子不如易於齊與其死也猶是邠也而得紆焉何必此齊人欲以此偏魯必倍與子地且盍多舍甲於子之門以備不虞侯犯曰諾乃多舍甲焉侯犯請易於齊齊有司觀邠將至駟赤使周走呼曰齊師至矣邠人大駭介侯犯之門甲以圍侯犯駟赤將射之侯犯止之曰謀免我侯犯請行詐之駟赤先如宿侯犯殿每出一門

一舍甲幾許妙用

詩責也物有表識也

納魯圍郕之師致

郕者不拒侯犯耳

郕則不受而與魯爭

叙事能品

地景公弟 與富

將走出奔

辰弟公母弟 頗僻也為禮得罪 遊君禮也

春秋左傳

卷三十一

十一

必補

郕人閉之。及郭門止之。曰：子以叔孫氏之甲出，有司若誅之，羣臣懼死。駟赤曰：叔孫氏之甲有物，吾未敢以出。犯謂駟赤曰：子止而與之數，駟赤止而納魯人。侯犯奔齊，齊人乃致郕。

宋公子地嬖，遽富獵，十一分其室，而以其五與之。公子地有白馬四，公嬖向魍，魍欲之，公取而朱其尾鬣以與之。地怒，使其徒扶魍而奪之，魍懼，將走。公閉門而泣之，目盡腫。母弟辰曰：子分室以與獵也，而獨卑魍，亦有頗焉。子為君禮，不過出竟，君必

廷求枉切誥也

佗仲幾子彊音握

褚師段子皆國之所望，故云以國人出。君誰與處，冬，母弟辰暨仲佗、石彊出奔陳。

止子公子地出奔陳，公弗止。辰為之請，弗聽。辰曰：是我廷吾兄也，吾以國人出，君誰與處？冬，母弟辰暨仲佗、石彊出奔陳。武叔聘于齊，齊侯享之，曰：子叔孫若使郕在，君之他竟，寡人何知焉？屬與敝邑際，故敢助君憂之。對曰：非寡君之望也，所以事君，封疆社稷，是以敢以家隸勤君之執事，夫不令之臣，天下之所惡也，君豈以為寡君賜。

十有一年春，宋公之弟辰及仲佗、石彊公子地

春秋左傳

卷三十一

十一

必補

自陳入于蕭以叛。夏四月。秋宋樂大心自曹入于蕭。冬及鄭平叔還如鄭涖盟。

十一年春。宋公母弟辰暨仲佗石彊公子地入于蕭以叛。秋樂大心從之。大為宋患。寵向魍故也。

冬及鄭平始叛晉也。

十有二年春薛伯定卒。夏葬薛襄公。叔孫

州仇帥師墮郈。衛公孟彊帥師伐曹。季孫

斯仲孫何忌帥師墮費。秋大雩。冬十月癸

亥公會齊侯盟于黃。十有一月丙寅朔日有

食之。公至自黃。十有二月公圍成。公至自

圍成。

未出曹境羅不退
在行列之後與其
平素猛厲虎鄰不
如無勇以靖民為
福蓋明知曹不能
追騎武自為善耳

叙事具品
三都費成也強
盛害魯故墮之
不徂費宰輒不得
志于叔孫

公側臺下也顧首
所

十二年夏衛公孟彊伐曹克郊還滑羅殿未出不
退於列其御曰殿而在列其為無勇乎羅曰與其
素厲寧為無勇

仲由為季氏宰將墮三都於是叔孫氏墮郈季氏

將墮費公山不狃叔孫輒帥費人以襲魯公與三

子入于季氏之宮登武子之臺費人攻之弗克入

及公側仲尼命申句須樂頎下伐之費人北國人



設在魯北境故

春秋左傳

卷二十一

十一

必確

追之敗諸姑蔑。二子奔齊。遂墮費。將墮成。公歛處父。謂孟孫墮成。齊人必至于北門。且成孟氏之保障也。無成是無孟氏也。子偽不知。我將不墮。冬十二月。公圍成弗克。

十有三年春。齊侯衛侯次于垂葭。夏築蛇淵。圍大蒐于比蒲。衛公孟彊帥師伐曹。秋。晉趙鞅入于晉陽以叛。冬。晉荀寅士吉射入于朝歌以叛。晉趙鞅歸于晉。薛弒其君比。十三年春。齊侯衛侯次于垂葭。實郎氏。使師伐晉。

敘事能品
耶音橋

傳車告晉數日始至時方迺寒必三月水泮晉師出河

周三月夏正月齊急功利至此乘共載詐恐衛侯喜誇詐也言

衛侯駕纒齊侯能以一車當兩車之捷乃甲而馳其輕

桃如此故無成功

敘事能品 十年

鞅圍衛衛貢五百家鞅置之邾邾今

欲徙于己邑午父

允言衛以五百家

在邾邾故親邾邾

將濟河。諸大夫皆曰不可。邾意茲曰可。銳師伐河

內。傳必數日而後及絳。絳不三月不能出河。則我

既濟水矣。乃伐河內。齊侯皆歛諸大夫之軒。唯邾

意茲乘軒。齊侯欲與衛侯乘。與之寡。而駕乘廣。載

甲焉。使告曰。晉師至矣。齊侯曰。比君之駕也。寡人

請攝。乃介而與之乘。驅之。或告曰。無晉師。乃止。

晉趙鞅謂邾邾午曰。歸我衛貢五百家。吾舍諸晉

陽。午許諾。歸告其父兄。父兄皆曰不可。衛是以爲

邾邾而寘諸晉陽。絕衛之道也。不如侵齊而謀之。

春秋左傳

卷二十一 定公

十一

必確

徒之則衛絕矣不
如侵齊齊必來報
因懼齊而徙則衛
好不絕午意從此
謀鞅不察謂午不
用命而囚之涉賓
午家臣憤而欲叛
趙孟怒故以殺
午而別為立其宗
統稷午子故與猶
叔

見攻必害民

乃如之而歸之于晉陽趙孟怒召午而囚諸晉陽
使其從者說劍而入涉賓不可乃使告邯鄲人曰
吾私有討於午也二三子唯所欲立遂殺午趙稷
涉賓以邯鄲叛夏六月上軍司馬籍秦圍邯鄲邯
鄲午荀寅之甥也荀寅范吉射之姻也而相與睦
故不與圍邯鄲將作亂董安于聞之告趙孟曰先
備諸趙孟曰晉國有命始禍者死為後可也安于
曰與其害於民寧我獨死請以我說趙孟不可秋

七月范氏中行氏伐趙氏之宮趙鞅奔晉陽晉人

臯夷范氏支庶

知文子荀躒韓簡
子不信中行文子
荀寅魏襄子曼多
范昭子吉射

盟書昔沈之河

疆齊子尾子昭十
三年奔魯遂適晉
歷於多然後深知
晉法

圍之范臯夷無寵於范吉射而欲為亂於范氏梁
嬰父嬖於知文子文子欲以為卿韓簡子與中行
文子相惡魏襄子亦與范昭子相惡故五子謀將
逐荀寅而以梁嬰父代之逐范吉射而以范臯夷
代之荀躒言於晉侯曰君命大臣始禍者死載書
在河今三臣始禍而獨逐鞅刑已不鈞矣請皆逐
之冬十一月荀躒韓不信魏曼多奉公以伐范氏
中行氏弗克二子將伐公齊高彊曰三折肱知為
良醫唯伐君為不可民弗與也我以伐君在此矣

春秋左傳

卷二十七

定公

四

公行

三家知韓魏

○三○家○未○睦○可○盡○克○也○克○之○君○將○誰○與○若○先○伐○君○是○使○睦○也○弗○聽○遂○伐○公○國○人○助○公○二○子○敗○從○而○伐○之○
丁未荀寅士吉射奔朝歌韓魏以趙氏為請十二
月辛未趙鞅入于絳盟于公宮

十有四年春衛公叔戌來奔衛趙陽出奔宋
二月辛巳楚公子結陳公孫佗人帥師滅頓以
頓子牂歸夏衛北宮結來奔五月於越敗
吳于檇李吳子光卒公會齊侯衛侯于牽
公至自會秋齊侯宋公會于洮天王使石

脈祭社之例

議論能品
請公臨其家

文子能盡臣禮

上下自諸侯及大夫
成文子之子
唯見子不驕

尚來歸服 衛世子蒯瞶出奔宋 衛公孟彊
出奔鄭 宋公之弟辰自蕭來奔 大蒐于比
蒲 邾子來會公 城莒父及霄
附初衛公叔文子朝而請享靈公退見史鮪而告
之史鮪曰子必禍矣臣富而君貪罪其及子乎文
子曰然吾不先告子是吾罪也君既許我矣其若
之何史鮪曰無害子臣可以免富而能臣必免於
難上下同之戍也驕其亡乎富而不驕者鮮吾唯
子之見驕而不亡者未之有也戍必與焉及文子

夫人南子黨宋朝之徒

卒衛侯始惡於公叔戌以其富也公叔戌又將去夫人之黨夫人愬之曰戌將為亂

十四年春衛侯逐公叔戌與其黨故趙陽奔宋戌來奔

附梁嬰父惡董安于謂知文子曰不殺安于使終

為政于趙氏趙氏必得晉國蓋以其先發難也討

於趙氏文子使告於趙孟曰范中行氏雖信為亂

安于則發之是安于與謀亂也晉國有命始禍者

死二子既伏其罪矣敢以告趙孟患之安于曰我

六卿之黷貨無上極矣而始禍者死一語并前傳凡三揭之見立法之妙

安于兩發語皆忘身而利人聖賢之徒也

趙氏家廟

死而晉國寧趙氏定將焉用生人誰不死吾死莫

矣乃縊而死趙孟尸諸市而告於知氏曰主命戮

罪人安于既伏其罪矣敢以告知伯從趙孟盟而

後趙氏定祀安于於廟

頓子牂欲事晉背楚而絕陳好二月楚滅頓

夏衛北宮結來奔公叔戌之故也

吳伐越越子句踐禦之陳于檣李句踐患吳之整

也使死士再禽焉不動使罪人三行屬劍於頸而

辭曰二君有治臣奸旗鼓不敏於君之行前不敢

叙事妙品事奇語亦精隋禽如鷲鳥之搏急衝其鋒欲使吳師亂取之而吳不動治治軍旅也

屬之目注目而視

將指足大指傷而失履姑浮取之

夫差闔廬子

逃刑。敢歸死。遂自剄也。師屬之目。越子因而伐之。大敗之。靈姑浮以戈擊闔廬。闔廬傷將指。取其一履。還卒於陘。去樵李七里。夫差使人立於庭。苟出入。必謂已曰。夫差而忘越王之殺而父乎。則對曰。唯不敢忘。三年乃報越。

脾上梁間即牽

二子晉大夫中行黨

晉人圍朝歌。公會齊侯衛侯于脾上梁之間。謀救范中行氏。析成鮒。小王桃甲率狄師以襲晉。戰于絳中。不克而還。士鮒奔周。小王桃甲入于朝歌。秋。齊侯宋公會于洮。范氏故也。

南子宋女朝舊通焉

婁豬水子猪也得牡則定喻南子艾豨牡豕也喻宋朝

不進極是後言亦當但諾時何不開以母子之誼

衛侯為夫人南子召宋朝。會于洮。太子蒯聵獻孟于齊。過宋野。野人歌之曰。既定爾婁豬。盍歸吾艾豨。太子羞之。謂戲陽速曰。從我而朝。少君。少君見我。我顧乃殺之。速曰。諾。乃朝。夫人。夫人見太子。太子三顧。速不進。夫人見其色。啼而走。曰。蒯聵將殺余。公執其手以登臺。太子奔宋。盡逐其黨。故公孟彊出奔鄭。自鄭奔齊。太子告人曰。戲陽速禍余。戲陽速告人曰。太子則禍余。太子無道。使余殺其母。余不許。將戕於余。若殺夫人。將以余說。余是故許。

使義可信不必信

言

春秋左傳

卷二十一

十一

必有

而弗為以紓余死。諺曰：民保於信。吾以信義也。

附冬十二月。晉人敗范中行氏之師於潞。獲籍秦

高彊。又敗鄭師及范氏之師于百泉。

十有五年春。王正月。邾子來朝。鼯鼠食郊牛。

牛死。改卜牛。二月辛丑。楚子滅胡。以胡子豹

歸。夏五月辛亥。郊。壬申。公薨于高寢。鄭

宰達帥師伐宋。齊侯衛侯次于渠蔭。邾子

來奔。喪。秋七月壬申。烝。氏卒。八月庚辰朔。

日有食之。九月。滕子來會葬。丁巳。葬我君。

定公雨不克葬。戊午日下。昃乃克葬。辛巳葬。

定姒。冬。城漆。

十五年春。邾隱公來朝。子貢觀焉。邾子執玉高。其

容仰。公受玉卑。其容俯。子貢曰：以禮觀之。二君者

皆有死亡焉。夫禮。死。生。存。亡。之。體。也。將。左。右。周。旋。

進。退。俯。仰。於。是。乎。取。之。朝。祀。喪。戎。於。是。乎。觀。之。今

正。月。相。朝。而。皆。不。度。心。已。亡。矣。嘉。事。不。體。何。以。能

久。高。仰。驕。也。卑。俯。替。也。驕。近。亂。替。近。疾。君。為。主。其

先亡乎。

議論能品

句補禮經

不度不合法度不
禮體不正也

春秋左傳

卷二十一

定公

十一

必有

入楚四年

春秋左傳

卷三十一

北

必不齊

吳之入楚也。胡子盡俘楚邑之近胡者。楚既定。胡子豹又不事楚。曰：存亡有命。事楚何為？多取費焉。二月。楚滅胡。

聰明人多言皆落此阱

夏五月壬申。公薨。仲尼曰：賜不幸言而中。是使賜多言者也。

鄭罕達敗宋師于老丘。

聖女居及遠挈即渠陰

齊侯衛侯次于遠挈。謀救宋也。

哀公母定公之妾

秋七月壬申。嬖氏卒。不稱夫人。不赴。且不祔也。

葬定公。雨。不克襄事。禮也。

葬定姒。不稱小君。不成喪也。

實以秋成冬乃告廟。魯知不時故緩告書之以示譏。

冬。城漆。書不時告也。

春秋左傳

卷三十一

北

必不齊

古書之以示難
實以淋如冬之

冬。泚。蒸。書。不。報。告。也。
蒸。安。燠。不。歸。小。蒸。不。泚。喪。也。

春秋左傳卷之二十八

明吳戴文光罔得標釋 張我城德仲叅定

哀公 名蔣定公妾嬖氏所生四歲
即位謚法恭仁短折曰哀

元年春王正月公即位 楚子陳侯隨侯許男

圍蔡 鼪鼠食郊牛改卜牛 夏四月辛巳郊

秋齊侯衛侯伐晉 冬仲孫何忌帥師伐邾

元年春。楚子圍蔡。報柏舉也。里而栽。廣丈。高倍。夫

屯。晝夜九日。如子西之素。蔡人男女以辨。使疆于

江汝之間而還。蔡於是乎請遷于吳。

叙事妙品
柏舉在定四年
元人鎖城法即此

去蔡城一里設板築為圍壘裁者豎木以約板也夫兵也屯守九日而壘成子西素料如此今如期也男女出降各別係纍楚使蔡徙國在江水之北汝水之南楚還蔡人叛楚即吳

附吳王夫差敗越于夫椒報檣李也遂入越越子

以甲楯五千保于會稽使大夫種因吳大宰嚭以

行成吳子將許之伍員曰不可臣聞之樹德莫如

滋去疾莫如盡昔有過澆殺斟灌以伐斟鄩滅夏

后相后緡方娠逃出自竇歸于有仍生少康焉為

仍牧正其澆能戒之澆使椒求之逃奔有虞為之

庖正以除其害虞思於是妻之以二姚而邑諸綸

有田一成有衆一旅能布其德而兆其謀以收夏

衆撫其官職使女艾諜澆使季杼誘豷遂滅過戈

復禹之績祀夏配天不失舊物今吳不如過而越

大于少康或將豐之不亦難乎句踐能親而務施

施不失人親不棄勞與我同壤而世為仇讐於是

乎克而弗取將又存之違天而長寇讐後雖悔之

不可食已姬之衰也日可俟也介在蠻夷而長寇

讐以是求伯必不行矣弗聽退而告人曰越十年

生聚而十年教訓二十年之外吳其為沼乎三月

吳王夫差敗越于夫椒報檣李也遂入越越子

以甲楯五千保于會稽使大夫種因吳大宰嚭以

行成吳子將許之伍員曰不可臣聞之樹德莫如

滋去疾莫如盡昔有過澆殺斟灌以伐斟鄩滅夏

后相后緡方娠逃出自竇歸于有仍生少康焉為

仍牧正其澆能戒之澆使椒求之逃奔有虞為之

庖正以除其害虞思於是妻之以二姚而邑諸綸

有田一成有衆一旅能布其德而兆其謀以收夏

衆撫其官職使女艾諜澆使季杼誘豷遂滅過戈

議論能品議論中
叙事可與魏莊子
章參看彼重弄此
重少康一事而叙
少異諸語皆典冊
有致
澆寒泥子二斟夏
同姓諸侯相啓之
孫失國依焉復為
所滅仍國名后緡
母家也基壽也戒
備也椒澆之臣除
害得免于害思虞
君一成十里一旅
五百人兆始也女

艾少康臣伺澆間
隙豷音戲澆弟也
季杼少康子過澆
國戈豷國

食如食言之食欲
食此悔亦無及已

比吳于澆比越于
少康原非告君之
法且夫差常以絀

春秋左傳 卷三十一 吳 吳王夫差 吳王夫差 吳王夫差

而父自警只此一剔便能激其髮豎目裂何必幾許稱引此是無頭腦議

議論神品

入楚在定四年

記得妙 田在西

居右田在東居左

都邑人無田隨黨

而立當公不左不

右

國為人勝君已出

亡曰未有禍非常

之識非常之語辭

以言更有活路不

徒空說道理

此意人亦有之無如此開越

議論能品初看板是細閣造語甚典重有致

不相睦與子常易之是主意

越及吳平。吳入越。不書。吳不告慶。越不告敗也。

附 夏四月。齊侯衛侯救邶鄆。圍五鹿。

附 吳之入楚也。使召陳懷公。懷公朝國人而問焉。

曰。欲與楚者右。欲與吳者左。陳人從田。無田從黨。逢滑當公而進。曰。臣聞國之興也。以福。其亡也。以禍。今吳未有福。楚未有禍。楚未可棄。吳未可從而晉盟主也。若以晉辭吳。若何。公曰。國勝君亡。非禍而何。對曰。國之有是多矣。何必不復。小國猶復。况大國乎。臣聞國之興也。視民如傷。是其福也。其亡

也。以民爲土芥。是其禍也。楚雖無德。亦不艾殺其民。吳日敝於兵。暴骨如莽。而未見德焉。天其或者正訓楚也。禍之適吳。其何日之有。陳侯從之。及夫差克越。乃修先君之怨。秋八月。吳侵陳。修舊怨也。齊侯衛侯會于乾侯。救范氏也。師及齊師衛孔圍鮮虞。人伐晉。取棘蒲。

附 吳師在陳。楚大夫皆懼。曰。闔廬惟能用其民。以敗我於柏舉。今聞其嗣又甚焉。將若之何。子西曰。二三子恤不相睦。無患吳矣。昔闔廬食不二味。居



不崇壇平地作室
形赤色觀臺榭
選取堅厚不尚靡
費
分猶徧也所嘗者
貴異非常品

死有恤贈不是空
死而無人知

再宿曰次貴者死
嬙賤者嬙御

子西正論不如逢
滑前知

討范中行

不重席。室不崇壇。器不彫鏤。宮室不觀。舟車不飾。衣服財用。擇不取費。在國。天有蓄癘。親巡其孤寡。而共其乏困。在軍。熟食者分。而後敢食。其所嘗者。卒乘與焉。勤恤其民。而與之勞逸。是以民不能勞。死。知不曠。吾先大夫子常。易之。所以敗我也。今聞夫差。次有臺榭陂池焉。宿有妃嬙嬪御焉。一日之行。所欲必成。玩好必從。珍異是聚。觀樂是務。視民如讐。而用之日新。夫先自敗也。已。安能敗我。

附 冬十月晉趙鞅伐朝歌

二年春王二月季孫斯叔孫州仇仲孫何忌帥師伐邾取濶東田及沂西田 癸巳叔孫州仇仲孫何忌及邾子盟于句繹 夏四月丙子衛侯元卒 滕子來朝 晉趙鞅帥師納衛世子蒯聵于戚 秋八月甲戌晉趙鞅帥師及鄭罕達帥師戰于鐵鄭師敗績 冬十月葬衛靈公 十有一月蔡遷于州來葬殺其大夫公子駟 二年春伐邾將伐絞邾人愛其土故賂以濶沂之田而受盟

殺邾邕

春秋左傳 卷三十一 哀公 必不

叙事能品辭令妙品

子南靈公戡子郢

言立嫡當內外同之三揖卿大夫士

異立意不同

兩對語妙勁峭之極

夜迷路也

繞音問始發喪之服詐為衛人逆太子門戚城門

叙事辭令妙品意味腴濃氣力道勁

初衛侯遊于郊。子南僕公曰：余無子，將立女，不對。他日又謂之，對曰：郢不足以辱社稷，君其改圖。君夫人在堂，三揖在下。君命祇辱，夏衛靈公卒。夫人曰：命公子郢為太子，君命也。對曰：郢異於他子，且君沒於吾手，若有之，郢必聞之。且亡人之子，輒在，乃立輒。六月乙酉，晉趙鞅納衛太子于戚，宵迷，陽虎曰：右河而南，必至焉。使太子繞，八人衰經，偽自衛逆者，告於門，哭而入，遂居之。

秋八月，齊人輸范氏粟，鄭子姚子般送之，士吉射

近于傳文之問

至達字子姚駟弘

字子般兵車建旆

者為大每軍置若

千今蓋出之為前

驅與罕駟對壘罕

駟見其外貌不知

虛實

始納衛太子卜得

吉兆今既謀同不

須更卜一云卜與

范中行戰亦通

誓師語道勁

千里百縣一縣二郡遂速得仕進免除其厥後志父簡子改名

逆之。趙鞅禦之，遇於戚陽。虎曰：吾車少，以兵車之旆與罕駟兵車先陳，罕駟自後隨而從之。彼見吾貌，必有懼心，於是乎會之，必大敗之。從之，卜戰，龜焦樂丁曰：詩曰：爰始爰謀，爰契我龜，謀協以故，兆詢可也。簡子誓曰：范氏中行氏反易天明，斬艾百姓，欲擅晉國而滅其君，寡君恃鄭而保焉，今鄭為不道，棄君助臣，二三子順天明，從君命，經德義，除詬耻，在此行也。克敵者，上大夫受縣，下大夫受郡，士田十萬，庶人工商遂，人臣隸圉免，志父無罪。君

春秋左傳 卷三十八 齊人伐衛 哀公 五 必有齊

屬辟棺之重數王棺四重國君再重大夫一重屬次大棺也辟親身棺也禮大夫無辟素車白馬以載柩兆葬域也為累設賞自設罰故能克無血即王良鐵上

實圖之。若其有罪，絞縊以戮，桐棺三寸，不設屬，辟素車，樸馬，無入于兆，下卿之罰也。甲戌，將戰，郵無恤御簡子，衛太子為右，登鐵上，望見鄭師衆，太子懼，自投于車下，子良受太子綏而乘之，曰：婦人也。簡子巡列，曰：畢萬匹夫也。七戰皆獲，有馬百乘，死於牖下，羣子勉之，死不在寇。繁羽御趙羅，宋勇為右，羅無勇，廩之，吏詰之，御對曰：疇作而伏，衛太子禱曰：曾孫蒯聵，敢昭告皇祖文王、烈祖康叔、文祖襄公、鄭勝，亂從晉午在難，不能治亂，使鞅討之，蒯

止祈無此餘小創則不禱。死生大命不敢請，佩玉禱神不敢愛。

賁不敢自佚，備持矛焉。敢告無絕筋，無折骨，無面傷，以集大事，無作三祖羞。大命不敢請，佩玉不敢

羅無勇故鄭師雖北猶獲之。可矣喜二氏失撥糧絕垂破。

愛鄭人擊簡子，中肩，斃於車中，獲其蠶旗。太子救之以戈，鄭師北，獲溫大夫趙羅。太子復伐之，鄭師大敗，獲齊粟千車。趙孟喜曰：可矣。傅叟曰：雖克鄭

知在荀氏尚在。尤為范氏收田稅。趙人獲之。還其所稅。

焉。趙氏得而獻之，吏請殺之。趙孟曰：為其主也。何罪。止而與之田，及鐵之戰，以徒五百人宵攻鄭師，取蠶旗于子姚之幕下。獻曰：請報主德，追鄭師。姚

蠶旗復還。簡子率師追之。

春秋左傳 卷二十八 哀公 六

雖小國有善射只三字有味
發弓衣上上功

此與必戰許伯等三人事作配獨收御二語有味材者橫木細小言三人皆自伐王良尤奇也

蔡請遷中海故吳因聘襲之遷墓併墓亦遷也

般公孫林殿而射前列多死趙孟曰國無小既戰簡子曰吾伏歿嘔血鼓音不衰今日我上也天子曰吾救主於車退敵於下我右之上也郵良曰我兩鞞將絕吾能止之我御之上也駕而乘材兩鞞皆絕

齊鄭同救二氏齊輸粟鄭以師送焉趙鞅恐二氏得粟而強故禦之將戰而誓則先衆後已幸而勝又與人爭

功鄙哉
吳洩庸如蔡納聘而稍納師師畢入衆知之蔡侯告大夫殺公子駟以說哭而遷墓冬蔡遷于州來

三年春齊國夏衛石曼姑帥師圍戚 夏四月

甲午地震 五月辛卯桓宮僖宮災 季孫斯

叔孫州仇帥師城啓陽 宋樂髡帥師伐曹

秋七月丙子季孫斯卒 蔡人放其大夫公孫

獵于吳 冬十月癸卯秦伯卒 叔孫州仇仲

孫何忌帥師圍邾

三年春齊衛圍戚求援于中山

夏五月辛卯司鐸火火踰公宮桓僖災救火者皆

曰顧府南宮敬叔至命周人出御書俟于宮曰庀

叙事妙品 司鐸官名常人愛財止顧守府藏 周人司周書典籍官御

春秋左傳

卷二十一 哀公

七

必有齋

書進于君者宰人
冢宰之屬校人掌
馬使四四相從為
駕之易巾車掌車
使脂塗車為行之
易濡帷幕于水中
以濟用鬱攸火氣
也隨火氣而為備
以濡者覆之悛次
也先尊後卑以次
救之 駕公車以
備緩急 御公升
車立闕門外 輕
財重民 周禮正
月懸教令于象魏
使萬民觀之即名
其書曰象魏濬汁
也拾瀋喻不可得
表表人道風所向

女而不在死。子服景伯至。命宰人出禮書以待命。命不共有常刑。校人乘馬。巾車脂轄。百官官備。府庫慎守。官人肅給。濟濡帷幕。鬱攸從之。蒙葺公屋。自大廟始。外內以悛。助所不給。有不用命。則有常刑。無救。公父文伯至。命校人駕乘車。季桓子至。御公立于象魏之外。命救火者傷人則止。財可為也。命藏象魏。曰舊章不可亡也。富父槐至。曰無備而官辦者。猶拾瀋也。於是乎去表之橐。道還公宮。孔子在陳。聞火。曰其桓僖乎。

者去其葦積闕道
環市公宮使火無
相連
桓僖親盡而廟不
毀宜有天災

叙法比前宋鄭稍異彼專為政此眾為政故
以至字提綱各人言意即為繪出自具奇變
附 劉氏范氏世為婚姻。萇弘事劉文公。故周與范氏。趙鞅以為討。六月癸卯。周人殺萇弘。

叙事能品 正常
桓僖臣故付以後
事勿從已死南孺
子桓子之妻肥康
子名
春秋時寵臣每多
烈士後代不爾一
味温飽而已
退而辟位 討誅
殺男者

秋。季孫有疾。命正常曰無死。南孺子之子男也。則以告而立之女也。則肥也可。季孫卒。康子即位。既葬。康子在朝。南氏生男。正常載以如朝。告曰夫子有遺言。命其圉臣曰南氏生男。則以告於君與大夫而立之。今生矣。男也。敢告。遂奔衛。康子請退。公使共劉視之。則或殺之矣。乃討之。召正常。正常不

實救范故伐其北郭之圍使救者自外入內外夾攻之臯夷范族

反

附冬十月晉趙鞅圍朝歌師于其南荀寅伐其郭

使其徒自北門入巳犯師而出癸丑奔邯鄲十一

月趙鞅殺士臯夷惡范氏也

四年春王二月庚戌盜殺蔡侯申一蔡公孫辰

出奔吳葬秦惠公宋人執小邾子夏蔡

殺其大夫公孫姓公孫霍晉人執戎蠻子赤

歸于楚城西郭六月辛丑亳社災秋八

月甲寅滕子結卒冬十有二月葬蔡昭公

葬滕頃公

叙事具品承楚言也或云衍

字翻蔡大夫

翻夾兩矢自守其門

錯音皆並行如墻

二矢不過殺二人耳味在多字

肝即霍

叙事能品嚴移有法而調略變易是

一格夷虎蠻之叛楚者取攀上聲

會二處之衆于二地偽辭備吳為一

四年春蔡昭侯將如吳諸大夫恐其又遷也承公孫翩逐而射之入于家人而卒以兩矢門之衆莫敢進文之錯後至曰如墻而進多而殺二人錯執弓而先翩射之中肘錯遂殺之故遂公孫辰而殺公孫姓公孫肝

夏楚人既克夷虎乃謀北方左司馬販申公壽餘葉公諸梁致蔡于負函致方城之外于緡關曰吳將沂江入郢將奔命焉為一昔之期襲梁及霍單

夜之期明日便襲
梁霍

司馬即取起二邑
與戎狄之人二師
復馮騎角以脅晉

少言商縣武關
將開道伐晉

九州之戎即蠻子

偽將築城以衛焉
而誘執之

三戶地名
司馬又一為蠻子
致最立宗以誘遺
民

浮餘圍蠻氏蠻氏潰蠻子赤奔晉陰地司馬起豐
析與狄戎以臨上雒左師軍于菟和右師軍于倉
野使謂陰地之命大夫士蔑曰晉楚有盟好惡同
之若將不廢寡君之願也不然將通于少習以聽
命士蔑請諸趙孟趙孟曰晉國未寧安能惡于楚
必速與之士蔑乃致九州之戎將裂田以與蠻子
而城之且將為之蠻子聽卜遂執之與其五大
夫以界楚師于三戶司馬致邑立宗焉以誘其遺
民而盡俘以歸

臨晉邑

八邑及柏人皆晉
地

敘事具品

附秋七月齊陳乞茲施衛甯跪救范氏庚午圍五
鹿九月趙鞅圍邯鄲冬十一月邯鄲降荀寅奔鮮
虞趙稷奔臨十二月茲施逆之遂墮臨國夏伐晉
取邢任欒鄆逆時陰人孟壺口會鮮虞納荀寅于
柏人

五年春城毗夏齊侯伐宋晉趙鞅帥師伐
衛秋九月癸酉齊侯杵臼卒冬叔還如齊
閏月葬齊景公

五年春晉圍柏人荀寅士吉射奔齊初范氏之臣

春秋左傳卷之二十八 哀公八年

昭子即吉射為
柏人幸

范氏即吉射
授與也許我以死
節借不信也

為言射拒執戰死

勿事具品
不成未冠也

意欲立茶而難發
姑以謾語塞之

國及謫惠高張謚

春秋左傳 卷三十八 昭公八年 必在

王生惡張柳朔言諸昭子使為柏人昭子曰夫非
而讐乎對曰私讐不及公好不廢過惡不去善義
之經也臣敢違之及范氏出張柳朔謂其子爾從
主勉之我將止死王生授我矣吾不可以僭之遂
死於柏人夏趙鞅伐衛范氏之故也遂圍中牟
齊燕姬生子不成而死諸子嚮姒之子荼嬖諸大
夫恐其為太子也言於公曰君之齒長矣未有大
子若之何公曰二三子聞於憂虞則有疾疾亦姑
謀樂何憂于無君公疾使國惠子高昭子立茶寘

歌以哀之

衆也指辭公子
無所也之往也

子思子產子

豎息也

羣公子於萊秋齊景公卒冬十月公子嘉公子駒
公子黔奔衛季鉏子陽生來奔萊人歌之曰景公死
乎不與埋三軍之事乎不與謀師乎師乎何黨之
乎

附鄭駟秦富而侈嬖大夫也而常陳卿之車服於
其庭鄭人惡而殺之子思曰詩曰不解于位民之
攸暨不守其位而能久者鮮矣商頌曰不僭不濫
不敢怠皇命以多福

六年春城邾瑕 晉趙鞅帥師伐鮮虞 吳伐

春秋左傳 卷三十八 昭公八年 哀公 必在

陳夏齊國夏及高張來奔 叔還會吳于柎
秋七月庚寅楚子軫卒 齊陽生入于齊齊
陳乞弒其君荼 冬仲孫何忌帥師伐邾 宋
向巢帥師伐曹

六年春晉伐鮮虞治范氏之亂也
吳伐陳復修舊怨也楚子曰吾先君與陳有盟不
可以不救乃救陳師于城父
齊陳乞偽事高國者每朝必驂來馬所從必言諸
大夫曰彼皆假蹇將棄子之命皆曰高國得君必

敘事的品模寫意
悲曲盡
所從每從高國必
言諸大夫過惡假

蹇驕傲也皆曰偽
迹諸大夫語也

欲與諸大夫謀高
國故求就之

前項崔慶今上高
國齊之公族盡矣

莊六軌之道
圍嬰之子

偏我盡去諸固將謀子子早圖之圖之莫如盡滅
之需事之下也及朝則曰彼虎狼也見我在子之
側殺我無日矣請就之位又謂諸大夫曰二子者
禍矣恃得君而欲謀二三子曰國之多難貴寵之
由盡去之而後君定既成謀矣盡及其未作也先
諸作而後悔亦無及也大夫從之夏六月戊辰陳
乞鮑牧及諸大夫以甲入于公宮昭子聞之與惠
子乘如公戰于莊敗國人追之國夏奔莒遂及高
張晏圍弦施來奔

春秋左傳 卷二十八 哀公 必不齊

議論妙品敘事具

前敗柏舉今退還

亦是敗

陳涉起事語祖此

申子胥結子期啓

子閭皆昭王兄

大冥陳地

閉塗不通外使一

云隱路也即所謂

閭道越女昭王妾

章惠王名

口為人君妖氣守

之故以當王身雲

在楚上惟楚見之

故禍不及他國

點檢已身慎守典

章是率常道

秋七月。楚子在城父。將救陳。卜戰不吉。卜退不吉。王曰：「然則死也。再敗楚師，不如死。」棄盟逃。讐亦不。如死，死一也。其死讐乎？命公子申為王。不可，則命公子結。亦不可，則命公子啟。五辭而後許。將戰，王有疾。庚寅，昭王攻大冥，卒于城父。子閭退曰：「君王舍其子而讓羣臣，敢忘君乎？從君之命，順也。立君之子，亦順也。二順不可失也。」與子西子期謀，潛師閉塗，逆越女之子章，立之。而後還。是歲也，有雲如衆赤鳥，夾日以飛。三日，楚子使問諸周大史。周大

史曰：「其當王身乎？若祭之，可移於令尹司馬。」王曰：「除腹心之疾，而寘諸股肱，何益？不穀不有大過，天其天諸，有罪受罰，又焉移之？」遂弗祭。初，昭王有疾，卜曰：「河為祟，王弗祭，大夫請祭諸郊。」王曰：「三代命祀，祭不越望，江漢睢漳，楚之望也。禍福之至，不是過也。不穀雖不德，河非所獲罪也。」遂弗祭。孔子曰：「楚昭王知大道矣，其不失國也宜哉。」夏書曰：「惟彼陶唐，帥彼天常，有此冀方，今失其行，亂其紀綱，乃滅而亡。」又曰：「允出茲在茲，由已率常，可矣。」

高國之黨

叙事辭令妙品

陳乞謚僖且于公
子鉏陽生畏人知
故以試馬給鉏而
與謀諸野闕止字
子我陽生家臣王
陽生子使闕止歸
以俟變戒之恐淺
也國人知而不言
見陳氏之得民僖
子迎陽生歸使妾
饋食秘密也又今
陽生隨饋食者潛
入公宮差車主車
之官
用詐如旋風
言景公愛茶之甚

附八月齊邴意茲來奔

陳僖子使召公子陽生。陽生駕而見南郭且于曰
嘗獻馬于季孫。不入於上乘。故又獻此。請與子乘
之。出萊門而告之。故闕止知之。先待諸外。公子曰
事未可知。反與壬也。處戒之。遂行。逮夜。至于齊國。
人知之。僖子使子士之母養之。與饋者皆入冬十
月。丁卯立之。將盟。鮑子醉而往。其臣差車鮑點曰
此誰之命也。陳子曰。受命于鮑子。遂誣鮑子曰。子
之命也。鮑子曰。女忘君之為孺子牛而折其齒乎。

管銜繩為牛使茶
牽之茶頓地因折
其齒悼公即陽生
也言已可為君必
不怨鮑不可為君
即當避位仍為公
子不必害我意亦
平平乃用大夫公
子出之靈伯之極
安茶之號妣即茶
母三人皆茶黨
意欲陳子殺茶陳
子不忍
困謂飢荒憂謂兵
革

而背之也。悼公稽首曰。吾子奉義而行者也。若我
可不必亡一大夫。若我不可不必亡一公子。義則
進。否則退。敢不唯子是從。廢興無以亂。則所願也。
鮑子曰。誰非君之子。乃受盟。使胡姬以安孺子如
賴。去鬻妣。殺王甲。拘江說。囚王豹于句竇之丘。公
使朱毛告於陳子曰。微子則不及此。然君異於器。
不可以二。器二。不匱。君二。多難。敢布諸大夫。僖子
不對而泣曰。君舉不信羣臣乎。以齊國之困。困又
有憂。少君不可以訪。是以求長君。庶亦能容羣臣

春秋左傳

卷二十八

哀公

四

必有齊

悔于失言。毛意不
必使陳子知竟殺
之耳。大謂國政小
謂殺茶。未至駘
而殺之。殺茶者陽
生朱毛而書陳乞
乞始禍也。

春秋左傳卷三十一
七年春。宋師侵鄭。鄭叛晉故也。
師救曹。
七年春。宋皇瑗帥師侵鄭。晉魏曼多帥師侵
衛。夏公會吳于鄆。秋公伐邾。八月己酉
入邾。以邾子益來。宋人圍曹。冬鄭駟弘帥
師救曹。

辭令妙品

昭二十二年

以禮命諸侯前後
關鍵

上物天子之平象
天之十二次

將亡無能為兩束
關鍵 弃疾放弃
凶疾以兵陵我也

夏。公曾吳于鄆。吳來徵百牢。子服景伯對曰。先王
木之有也。吳人曰。宋百牢。我魯不可以後宋。且魯
牢。晉大夫過十。吳王百牢。不亦可乎。景伯曰。晉范
鞅貪而棄禮。以大國懼敝邑。故敝邑十一牢之。君
若以禮命於諸侯。則有數矣。若亦棄禮。則有淫者
矣。周之王也。制禮上物。不過十二。以為天之數
也。今棄周禮。而曰必百牢。亦唯執事。吳人弗聽。景
伯曰。吳將亡矣。棄天而背本。不與必棄疾於我。乃
與之。大宰嚭召季康子。康子使子貢辭。大宰嚭曰。

春秋左傳

卷三十一

哀公

昭二十二年

公曾吳

言君往來會同長
大于道路間
承上禮字

問得嚴峻對甚難
而圓轉流宕收語

亦近戰國
畏大國不敢虛國
而行

權時致宜以辟災
害

議論辭令妙品
謀于眾以示同實
不用其議

二語却新

安有賢如景伯而
可不順其言者

君利在傳
國君道長而大夫不出門此何禮也對曰豈以為

禮畏大國也大國不以禮命於諸侯苟不以禮豈

可量也寡君既共命焉其老豈敢棄其國夫伯端

委以治周禮仲雍嗣之斷髮文身羸以為飾豈禮

也哉有由然也反自鄙以吳為無能為也

季康子欲伐邾乃饗大夫以謀之子服景伯曰小

所以事太信也大所以保小仁也背大國不信伐

小國不仁民保于城城保于德失二德者危將焉

保孟孫曰二三子以為何如惡賢而逆之對曰禹

對諸大夫對也
執玉大國執帛小

國不字小不事
大必危矣何忍坐

視不言
季孟見謀不協故

不樂而罷享
邾不禦寇

強辭殊奪人

言已足以距魯成
子謀不用故叛

蓋夜俱掠康子行
靈無法

前魯得邾繹民在
負瑕故就彼以辱

之茅夷鴻即成子
十端為束

合諸侯於塗山執玉帛者萬國今其存者無數子

焉唯大不字小小不事大也知必危何故不言皆

德如邾而以眾加之可乎不樂而出秋伐邾及范

門猶聞鐘聲大夫諫不聽茅成子請告於吳不許

曰魯擊柝聞于邾吳二千里不三月不至何及於

我且國內豈不足成子以茅叛師遂入邾處其公

宮眾師晝掠邾眾保于繹師宵掠以邾子益來獻

于亳社囚諸負瑕負瑕故有繹邾茅夷鴻以束帛

乘韋自請救於吳曰魯弱晉而遠吳馮恃其眾而

水火三傳
哀公
必百

辟陋也

成符所求更無違
逆
收得緊切

貳敵也私私漏

叙事真品

振鐸曹始封祖
人得無因此而謂
小人誤國皆由前
定于非也業以前

定亦山人也積善
積惡由來者漸况
于興亡之關轉干
眉睫曹不好敗疆
何以說故曰妖不
勝德

邢子于

背君之盟。辟君之執事以陵我小國。邾非敢自愛也。懼君威之不立。君威之不立。小國之憂也。若夏盟于鄆。衍秋而背之。成求而不違。四方諸侯。其何以事君。且魯賦八百乘。君之貳也。邾賦六百乘。君之私也。以私奉貳。唯君圖之。吳子從之。宋人圍曹。鄭桓子思曰。宋人有曹鄭之患。也不可以不救。冬。鄭師救曹。侵宋。初。曹人或夢衆君子立于社宮。而謀亡曹。曹叔振鐸請待公孫彊許之。曰。而求之。曹無之。戒其子曰。我死。爾聞公孫彊爲政。

必去之。及曹伯陽即位。好田弋。曹鄙人公孫彊好弋。獲白鴈獻之。且言田弋之說。說之。因訪政事。大說之。有寵。使爲司城以聽政。夢者之子乃行。彊言霸說於曹伯。曹伯從之。乃背晉而好宋。宋人伐之。晉人不救。築五邑於其郊。曰黍丘。揖丘。大城。鐘邾。八年春。王正月。宋公入曹。以曹伯陽歸。吳伐我。夏。齊人取謹及闡。歸邾子益于邾。秋。七月。冬。十有二月。癸亥。杞伯過卒。齊人歸謹及闡。

肥宋大夫

不行殿兵止也師大軍也

叙事妙品中分七段段中曲折妙甚一段內二折有大國名而無實

未臣所適之國若有伐本國者則還奔命死其難所曾因託者則為之隱惡夫人指君子不以私怨弃其鄉黨

率帥師子張輒字

春秋左傳

卷二十八

十一

必有

八年春宋公伐曹將還褚師子肥殿曹人詬之不行師待之公聞之怒命反之遂滅曹執曹伯及司城疆以歸殺之

吳為邾故將伐魯問於叔孫輒叔孫輒對曰魯有名而無情伐之必得志焉退而告公山不狃公山不狃曰非禮也君子違不適當讐國未臣而有伐之奔命焉死之可也所託也則隱且夫人之行也不以所惡廢鄉今子以小惡而欲覆宗國不亦難乎若使子率子必辭王將使我子張病之王問於子

二段語消而麗

二段內四折

故意從儉道欲魯為備武城人鄒人俱僑居吳界耕出鄒人漬菅草于水武城人拘之漚音謳滋濁也王犯吳人曾為武城宰與子羽之父相善國人懼其為內應

四段

五段內二折

洩對曰魯雖無與立必有與斃諸侯將救之未可以得志焉晉與齊楚輔之是四讐也夫魯齊晉之脣脣亡齒寒君所知也不救何為三月吳伐我子洩率故道險從武城初武城人或有因於吳竟田焉拘鄒人之漚菅者曰何故使吾水滋及吳師至拘者道之以伐武城克之王犯嘗為之宰澹臺子羽之父好焉國人懼懿子謂景伯若之何對曰吳師來斯與之戰何患焉且召之而至又何求焉吳師克東陽而進舍于五梧明日舍于蠶室公宿夷

春秋左傳

卷二十八

哀公

十一

必有

同車俱死是國能使人

六段內二折

微虎魯人

試士可用卒終也

七百人內竟得三百

有若輕身死國聖

學必以此立基

七段內三折

吳子肯盟全是微

虎之力有若所以

與也

圍宋在宣十一年

細玩血脉似應景

伯為廣弗從其說

景伯避嫌故急負

公甲叔子與戰于夷。獲叔子與析朱鉏。獻於王。王曰。此同車。必使能國。未可望也。明日。舍于庚宗。遂次于泗上。微虎欲宵攻王舍。私屬徒七百人。三踊於幕庭。卒三百人。有若與焉。及稷門之內。或謂季孫曰。不足以害吳。而多殺國士。不如已也。乃止之。吳子聞之。一夕三遷。吳人行成。將盟。景伯曰。楚人圍宋。易子而食。析骸而爨。猶無城下之盟。我未及虧。而有城下之盟。是棄國也。吳輕而遠。不能久。將歸矣。請少待之。弗從。景伯負載造于萊門。乃請釋

獻盟書而出諸大夫。慚于景伯故請

釋之。姑曹何是註

明釋之之故。因吳

子一夕三遷。遂求

吳王子交質。以當

景伯。吳子不欲遂

兩止也。

悼公來五年。魴侯

康子叔父。

胡姬以安孺子如

賴者。

子服何于吳。吳人許之。以王子姑曹當之。而後止。吳人盟而還。

景伯尚矣。不狃叛亡。有意全魯用之。有道魯其瘳乎。宜孔子欲往其召也。

齊悼公之來也。季康子以其妹妻之。即位而逆之。季魴侯通焉。女言其情。弗敢與也。齊侯怒。夏五月。齊鮑牧帥師伐我。取讎及闡。或譖胡姬於齊侯曰。安孺子之黨也。六月。齊侯殺胡姬。齊侯使如吳。請師。將以伐我。乃歸邾子。邾子又無道。吳子使大宰子餘討之。囚諸樓臺。栒之以棘。使諸大夫奉大子

話字子餘。栒音漸。蔽也。

韋邾太子

敘事能品

質如臧會子

欲使為君

使出居潞以俟我

察其有無

恐其作亂漸削之

至死

麋縛也

鮑子而陳比無二

矣

春秋左傳

卷二十八

九

少不有

革以為政

殺胡姬與怒魯無涉殺鮑牧與齊平無涉漫記無次傳中所希

附秋及齊平九月臧賔如齊涖盟齊閭丘明來

涖盟且逆季姬以歸嬖鮑牧又謂羣公子曰使女

有馬千乘乎公子慙之公謂鮑子或譖子子姑居

於潞以察之若有之則分室以行若無之則反子

之所出門使以三分之一行半道使以二乘及潞

麋之以入遂殺之

冬十二月齊人歸讎及闡季姬嬖故也

春秋左傳卷之二十八 終

春秋左傳卷之二十九

明吳戴文光問得標釋 張我城德仲參定

哀公二

九年春王二月葬杞僖公 宋皇瑗帥師取鄭

師于雍丘 夏楚人伐陳 秋宋公伐鄭 冬

十月

九年春 附 齊侯使公孟綽辭師於吳吳子曰昔歲

寡人聞命今又革之不知所從將進受命于君

鄭武子賸之嬖許環求邑無以與之請外取許之

與魯平故辭吳

革改也

為十年伐齊傳

賸即罕達一字子

姚

春秋左傳

卷二十九 哀公

一

必有齊

每日遷一舍言其
作壘之速故壘即
旋繞圍合也多少
事情一句出之簡
妙
句亦簡妙 張羅
鄭之能者

邢音寒

議論具品
一卜論古同而
義義稍異
火得小故沉兵陰

類也故可與
盈趙鞅別姓水盈
坎則行故各盈也
子于地支正得北
方水位各與位敵
小不勝大故不可
干
鄭以壁龍與兵故
有罪

帝乙宋之祖泰六
五曰帝乙歸妹以
祉元吉

與魯謀伐齊

春秋左傳

卷二十六

必不勝

故圍宋雍丘。宋皇瑗圍鄭師。每日遷舍。壘合。鄭師
哭。子姚救之。大敗。二月甲戌。宋取鄭師于雍丘。使
有能者無死。以郟。張與鄭羅歸。
夏。楚人伐陳。陳即吳故也。

宋公伐鄭

附 秋。吳城邗。溝通江淮。

邗溝在今揚州蕪城自江東北通射
陽湖又西北入淮今連河其故道也

附 晉趙鞅卜救鄭。遇水適火。占諸史。趙史墨。史龜

史龜曰。是謂沈陽。可以興兵。利以伐姜。不利子商。

伐齊則可。敵宋不吉。史墨曰。盈。水名也。子。水位也。

名位敵。不可干也。炎帝為火師。姜姓其後也。水勝

火。伐姜則可。史趙曰。是謂如川之滿。不可游也。鄭

方有罪。不可救也。救鄭則不吉。不知其他。陽虎以

周易筮之。遇泰之需。曰。宋方吉。不可與也。微子啓

帝乙之元子也。宋鄭甥舅也。祉。祿也。若帝乙之元

子。歸妹而有吉祿。我安得吉焉。乃止。

附 冬。吳子使來儆師。伐齊。

十年春。王二月。邾子益來奔。公會吳伐齊。

春秋左傳

卷二十六

哀公

公會吳伐齊



三月戊戌齊侯陽生卒 夏宋人伐鄭 晉趙鞅帥師侵齊 五月公至自伐齊 葬齊悼公 衛公孟彊自齊歸于衛 薛伯夷卒 秋葬薛惠公 冬楚公子結帥師伐陳吳救陳

吳使奉太子革為政故來奔

郟音息

赴師以說吳承吳臣

前卜利于伐齊令

十年春邾隱公來奔齊甥也故遂奔齊 公會吳子邾子邾子伐齊南鄙師于郟齊人弑悼公赴于師吳子三日哭于軍門之外徐承帥舟師將自海入齊齊人敗之吳師乃還 夏趙鞅帥師伐齊大夫請卜之趙孟曰吾卜於此

今龜也

起兵事不再令卜不襲吉行也於是乎取犂及轅毀高唐之郭侵及賴而還

伐齊未得志故

附 秋吳子使來復傲師

退師以驕敵晉鄭昔有之未有純以安民一念如季子者

冬楚子期伐陳吳延州來季子救陳謂子期曰二君不務德而力爭諸侯民何罪焉我請退以為子名務德而安民乃還

按壽夢以襄十二年卒季子讓國定年十五六矣至今七十七年已九十餘歲何以帥兵救陳且去吳亡僅十二年而無一言補救其觀樂之智安在豈救陳者其子若孫耶

十有一年春齊國書帥師伐我 夏陳轅頗出

奔鄭 五月公會吳伐齊甲戌齊國書帥師及
 吳戰于艾陵齊師敗績獲齊國書 秋七月辛
 酉滕子虞母卒 冬十有一月葬滕隱公 衛
 世叔齊出奔宋

十一年春齊為郕故國書高無平帥師伐我及清
 季孫謂其宰冉求曰齊師在清必魯故也若之何
 求曰一子守二子從公禦諸竟季孫曰不能求曰
 居封疆之間季孫告二子二子不可求曰若不可
 則君無出一子帥師背城而戰不屬者非魯人也

議論敘事相為安
 軟波瀾層出與前
 戰吳章俱為妙品

季自度不能使二
 子故求欲使居境
 內近郊之地

不戰為不臣

壯哉斯語

同恨季專政故

使冉求從議于公
 朝黨氏朝中地

諷激妙意謂武叔
 材力未堪戰故不
 必言
 洩即孟武伯名彘

冉有知遲能任就
 能也用命致死也

魯之羣室衆於齊之兵車一室敵車優矣子何患
 焉二子之不欲戰也宜政在季氏當子之身齊人
 伐魯而不能戰子之恥也大不列于諸侯矣季孫
 使從于朝俟于黨氏之溝武叔呼而問戰焉對曰
 君子有遠慮小人何知懿子強問之對曰小人慮
 材而言量力而共者也武叔曰是謂我不成丈夫
 也退而蒐乘孟孺子洩帥右師顏羽御邴洩為右
 冉求帥左師管周父御樊遲為右季孫曰須也弱
 有子曰就用命焉季氏之甲七千冉有以武城人

此即唐牙兵今家
五日始從孟氏不
欲戰也務人即公
為保守壘者事充
役煩政重賦多既
言他人不能死已
敢不死
與衆三刻約信果
如違言師遂踰溝
入齊軍用命之言
乃信
二陳齊大夫
伍五人為伍也
誰不如言我不如
誰而欲走惡賢不
走亦未足為賢徐
徐死敵見國有壯
士耳 右師潰左

三百為已徒卒老幼守宮次于雩門之外五日右
師從之公叔務人見保者而泣曰事充政重上不
能謀士不能死何以治民吾既言之矣敢不勉乎
師及齊師戰于郊齊師自稷曲師不踰溝樊遲曰
非不能也不信子也請三刻而踰之如之衆從之
師入齊軍右師奔齊人從之陳瓘陳莊涉泗孟之
側後入以為殿抽矢策其馬曰馬不進也林不狃
之伍曰走乎不狃曰誰不如曰然則止乎不狃曰
惡賢徐步而死師獲甲首八十齊人不能師宵謀

師大捷亘古所無
一室敵車之言始
信 子羽即顏羽
孺子心雖不欲口
不言奔邲洩曰驅
故賢之
時人疑童子當殤
故云
皆有結案不見叔
孫則冉有之言又
信

曰齊人遁冉有請從之三季孫弗許孟孺子語人
曰我不如顏羽而賢于邲洩子羽銳敏我不欲戰
而能默洩曰驅之公為與其嬖僮汪錡乘皆死皆
殤孔子曰能執干戈以衛社稷可無殤也冉有用
矛於齊師故能入其軍孔子曰義也

敘事能昂
大器鐘鼎之屬

有若冉求樊須聖門弱士也而言之鑿鑿行之烈
烈固知德較則弱才較則勇也有達財者斯之謂
歟林不狃一段插得奇左傳每叙戰事時于
一二人沒要緊處詳之然記事增色全在此等
夏陳轅頗出奔鄭初轅頗為司徒賦封田以嫁公
女有餘以為已大器國人逐之故出道渴其族轅

服音斷

鑄器成即具此諫
即先見逐矣

叙事妙品總是必
死意而或言或行
或斷意種種不同
層見叠出色態甚
工

書字子占子陽各
樓相厲致死

虞殞葬歌含玉贈
死皆示必死也陳
子行名逆
尋八尺也約繩也

以繩貫吳人首
三戰夷儀五氏與
今問遺也

誓死則氣厲何以
被禽太怯也人怯
而以死自度其氣
更靡

叔孫州仇事職也

吳以遺魯使歸齊
襲音尉籍也
不衷指國書天若
不鑿其惡何以使

春秋左傳

卷二十九

五

必有齋

咍進稻醴梁糗服脯焉喜曰何其給也對曰器成而具曰何不吾諫對曰懼先行

為郊戰故公會吳子伐齊五月克博壬申至于贏中軍從王胥門巢將上軍王子姑曹將下軍展如將右軍齊國書將中軍高無平將上軍宗樓將下軍陳僖子謂其弟書爾死我必得志宗子陽與閭丘明相厲也桑掩胥御國子公孫夏曰二子必死將戰公孫夏命其徒歌虞殞陳子行命其徒具含玉公孫揮命其徒曰人尋約吳髮短東郭書曰三

戰必死於此三矣使問弦多以琴曰吾不復見子矣陳書曰此行也吾聞鼓而已不聞金矣甲戌戰于艾陵展如敗高子國子敗胥門巢王卒助之大敗齊師獲國書公孫夏閭丘明陳書東郭書革車八百乘甲首三千以獻于公將戰吳子呼叔孫曰而事何也對曰從司馬王賜之甲劍鉞曰奉爾君事敬無廢命叔孫未能對衛賜進曰州仇奉甲從君而拜公使大史固歸國子之元寘之新篋製之以玄纁加組帶焉寘書于其上曰天若不識不衷

春秋左傳

卷二十九 哀公

六

必有齋

下國殺之乎言自取也下國魯自謂

議論能品

此諫比前警業然亦收處味淡

反句便宕

易種轉生種類也

奉王命使齊因托其子改姓辟吳禍

何以使下國

附吳將伐齊。越子率其衆以朝焉。王及列士皆有饋賂。吳人皆喜。唯子胥懼曰：是豢吳也。夫諫曰：越在我心腹之疾也。壤地同而有欲於我。夫其柔服求濟其欲也。不如早從事焉。得志于齊。猶獲石田也。無所用之。越不為沼。吳其泯矣。使醫除疾。而曰必遺類焉者。未之有也。盤庚之詔曰：其有顛越不共。則劓殄無遺育。無俾易種于茲。新邑是商所以興也。今君易之。將以求大。不亦難乎。弗聽。使於齊。

也鮑氏亡不旋踵而托之子料事之明安在哉

屈鏤劍名櫛木之劣長者

盈十二年也

叙事妙品事瑣穢而叙得詳盡且極淨雅又不枯淡

子朝出奔文子使疾出朝女娶以已女

奪已女還

二者指奪妻奪軒遺疾弟也即以疾

遺疾弟也即以疾

屬其子於鮑氏。為王孫氏反役。王聞之。使賜之屬鏤以死。將死。曰：樹吾墓櫛。櫛可材也。吳其亡乎。三年。其始弱矣。盈必毀。天之道也。

附秋。季孫命修守備。曰：小勝大禍也。齊至無日矣。

冬。衛大叔疾出奔宋。初疾娶于宋子朝。其娣嬖。子朝出。孔文子使疾出其妻而妻之。疾使侍人誘其初妻之娣寘於犁。而為之一宮。如二妻。文子怒。欲攻之。仲尼止之。遂奪其妻。或淫於外州。外州人奪之。軒以獻。恥是二者。故出。衛人立遺。使室孔姑。疾

妻妻之疾奔宋

疾還衛

少禘衛地

懿于疾父

悼子即疾即位為卿以甥夏戊為大夫翦削其爵邑

夏曰朔問曰簋前止之方叙太叔事不得夾入故于尾補出法也

春秋左傳

卷二十六

必有齊

臣向魍納美珠焉與之城鉏宋公求珠魍不與由是得罪及桓氏出城鉏人攻大叔疾衛莊公復之使處巢死焉殯於鄆葬於少禘初晉悼公子憇亡在衛使其女僕而田大叔懿子止而飲之酒遂聘之生悼子悼子即位故夏戊為大夫悼子亡衛人翦夏戊孔文子之將攻大叔也訪於仲尼仲尼曰胡簋之事則常學之矣甲兵之事未之聞也退命駕而行曰鳥則擇木木豈能擇鳥文子遽止之曰圍豈敢度其私訪衛國之難也將止魯人以幣召

之乃歸

附

議論能品
丘賦之法每丘十六井出戎馬一匹牛三頭是計丘而賦也用不足又欲計田而賦三發三問卒曰冉有終曰

季孫欲以田賦使冉有訪于仲尼仲尼曰丘不識也三發卒曰子為國老待子而行若之何子之不言也仲尼不對而私於冉有曰君子之行也度於禮施取於厚事舉其中歛從其薄如是則以丘亦足矣若不度於禮而貪冒無厭則雖以田賦將又不足且子季孫若欲行而法則周公之典在若欲苟而行又何訪焉弗聽

十有二年春用田賦 夏五月甲辰孟子卒

春秋左傳

卷二十六

哀公

必有齊

公會吳于橐臯。秋公會衛侯宋皇瑗于郕。宋向巢帥師伐鄭。冬十有二月螽。

十二年春王正月用田賦。

夏五月昭夫人孟子卒。昭公娶于吳。故不書姓。死

不赴。故不稱夫人。不反哭。故不言葬。小君孔子與

平。適季氏。季氏不統。放經而拜。

公會吳于橐臯。吳子使大宰嚭請尋盟。公不欲。使

子貢對曰。盟所以周信也。故心以制之。玉帛以奉

之。言以結之。明神以要之。寡君以為苟有盟焉。弗

辭令能品

鄒之盟

禘

周固也奉昭告明

孔子以小君禮往
平季氏不服喪故
去經

尋重也寒歇也

議論妙品

徵召之使就會

疥疾肆惡也

斃仆也標擊也瘠
音係狂也

不與吳盟

侯伯主會致好合
之禮

可改也已。若猶可改。日盟何益。今吾子曰必尋盟。若可尋也。亦可寒也。乃不尋盟。

吳徵會于衛。初衛人殺吳行人且姚而懼。謀於行

人子羽。子羽曰。吳方無道。無乃辱吾君。不如止也。

子木曰。吳方無道。國無道。必棄疾於人。吳雖無道。

猶足以患衛。往也。長木之斃。無不標也。國狗之瘠。

無不噬也。而况大國乎。秋。衛侯會吳于郕。公及衛

侯宋皇瑗盟。而卒辭吳盟。吳人藩衛侯之舍。子服

景伯謂子貢曰。夫諸侯之會。事既畢矣。侯伯致禮。

以禮相辭讓

者 語及若不為衛請

先破緩字叙得清

婉 轉落媚致入情

與苗貢皇論是相

子同意而調不同

此甚疏快近于戰 國

子之公孫彌牟

出公輒卒死于越

春秋左傳

卷二十六

九

必有齋

地主歸餼以相辭也。今吳不行禮于衛而藩其君舍以難之。子盍見大宰。乃請束錦以行。語及衛故。大宰嚭曰：寡君願事衛君。衛君之來也，緩。寡君懼，故將止之。子貢曰：衛君之來，必謀於其衆。其衆或欲或否，是以緩來。其欲來者，子之黨也。其不欲來者，子之讐也。若執衛君，是墮黨而崇讐也。夫墮子者，得其志矣。且合諸侯而執衛君，誰敢不懼。墮黨崇讐而懼諸侯，或者難以霸乎。大宰嚭說乃舍衛侯。衛侯歸，效夷言。子之尚幼，曰：君必不免。其死於

後夷之心固不可

改 時已閉營猶有患

災以天象徵之乃

司歷之過再失閏

也周十二月今十

月也火應伏矣而

昏乃西見知是八

隙地間田也凡六

邑子產戒兩國俱

奔之 元公平公

之族公子地黨奔

鄭在定十五年鄭

作二城以處之

夷乎。執焉而又說其言。從之固矣。

冬十二月螽。季孫問諸仲尼。仲尼曰：丘聞之，火伏

而後螽者畢。今火猶西流，司歷過也。

附 宋鄭之間有隙地焉。曰彌作。頃丘。玉暢。岳。戈。錫。

子產與宋人爲成。曰：勿有是。及宋平元之族自蕭

奔鄭。鄭人爲之城。岳。戈。錫。九月，宋向巢伐鄭。取錫。

殺元公之孫。遂圍岳。十二月，鄭罕達救岳。丙申，圍

宋師

十有三年春，鄭罕達帥師取宋師于岳。夏，許

宋火正傳

卷二十六

九

必有齋

騰子刺二音

成郟宋二大夫
回知子產先識

叙事具品

男成卒。公會晉侯及吳子于黃池。楚公子申帥師伐陳。於越入吳。秋公至自會。晉魏曼多帥師侵衛。葬許元公。九月螽。冬十有一月有星孛于東方。盜殺陳夏區夫。十有二月螽。十三年春。宋向魍救其師。鄭子騰使徇曰。得桓魋者有賞。魍也逃歸。遂取宋師于岳。獲成。謹郟延。以六邑為虜。

夏公會單平公晉定公吳夫差于黃池。六月丙子。

開行師二大路

姑蔑越地庸父為
越所獲故得其旗

叙戰太略

惡諸侯聞而殺之
滅口愚甚矣
叙事辭今妙品

越子伐吳。為二隧。疇無餘。謳陽自南方先及郊。吳太子友王子地。王孫彌庸壽於姚。自泓上觀之。彌庸見姑蔑之旗。曰。吾父之旗也。不可以見。讐而弗殺也。太子曰。戰而不克。將亡國。請待之。彌庸不可。屬徒五千。王子地助之。乙酉戰。彌庸獲疇無餘。地獲謳陽。越子至。王子地守。丙戌復戰。大敗吳師。獲太子友。王孫彌庸壽於姚。丁亥入吳。吳人告敗于王。王惡其聞也。自剄七人於幕下。

附 秋七月辛丑盟。吳晉爭先。吳人曰。於周室。我為。

春秋左傳

卷二十一 哀公

十一

必有齋

二語簡峭

數語甚有氣二臣
執與寅

墨目下黑色國勝
為敵所勝忍耐也

乃先句似得趣

一氣直下有建統
之辨

長。晉人曰。於姬姓。我為伯。趙鞅呼司馬寅曰。日盱
矣。大事未成。二臣之罪也。建鼓整列。二臣死之。長
幼必可知也。對曰。請姑視之。反曰。肉食者無墨。今
吳王有墨。國勝乎。天子死乎。且夷德輕。不忍久。請
少待之。乃先晉人。吳人將以公見晉侯。子服景伯
對使者曰。王合諸侯。則伯帥侯牧以見於王。伯合
諸侯。則侯帥子男以見於伯。自王以下。朝聘玉帛
不同。故敝邑之職。貢於吳。有豐於晉。無不及焉。以
為伯也。今諸侯會而君將以寡君見晉君。則晉成

邾六百乘半邾三
百乘

毋為景伯所欺
切甚 何景伯名

實然實使然也吳
人信鬼故以恐之

為伯矣。敝邑將改職貢。魯賦於吳。八百乘。若為子
男。則將半邾以屬於吳。而如邾以事晉。且執事以
伯召諸侯。而以侯終之。何利之有焉。吳人乃止。既
而悔之。將囚景伯。景伯曰。何也。立後於魯矣。將以
二乘與六人從。遲速唯命。遂囚以還。及戶牖。謂大
宰曰。魯將以十月上辛。有事於上帝。先王季辛而
畢。何世有職焉。自襄以來。未之改也。若不會。祝宗
將曰。吳實然。且謂魯不共。而執其賤者七人。何損
焉。大宰謠言於王曰。無損於魯。而祇為名。不如歸

結言吳不恤臣民
有山魯大夫軍中
不得出祭故相與
為隱語 樂音雷
垂貌上人服飾備
而已獨無褐隱服
褐之父寒賤者言
有旨酒但得視不
得飲也梁無粗有
如欲粗者登山一
呼則隨與之庚西
方主穀癸北方主
水
大野山東嘉祥縣
車子注車之官

之乃歸景伯。吳申叔儀乞糧於公孫有山氏。曰：佩
玉、榮兮。余無所繫之。旨酒一盛兮。余與褐之父。覘
之。對曰：梁則無矣。麤則有之。若登首山以呼曰：庚
癸乎。則諾。王欲伐宋。殺其丈夫。而囚其婦人。大宰
嚳曰：可勝也。而弗能居也。乃歸。冬。吳及越平。
十有四年春。西狩獲麟。
十四年春。西狩於大野。叔孫氏之車子鉏商獲麟。
以為不祥。以賜虞人。仲尼觀之。曰：麟也。然後取之。
春秋左傳卷之二十九 終

春秋左傳卷之三十

明吳戴文光罔得標釋 張我城德仲參定

哀公 三附錄 春秋止獲麟此下十六年皆魯史
記弟子欲存孔子卒故併錄之

十有四年春 小邾射以句繹來奔 夏四月

齊陳恒執其君寘于舒州 庚戌叔還卒 五

月庚申朔日有食之 陳宗豎出奔楚 宋向

魍入于曹以叛 莒子衎卒 六月宋向魍自

曹出奔衛 宋向巢來奔 齊人弑其君壬于

舒州 秋晉趙鞅帥師伐衛 八月辛丑仲孫

衎其延切

春秋左傳 卷三十 哀公 一 公孫有山

何忌卒。冬，陳宗豎自楚復入于陳，陳人殺之。

陳轅買出奔楚。有星孛。饑。

議論妙品
邾射竊地叛君不
臣于小邾

辱耻與其盟

不敢問故所以死
于衛也由弗能所
以信于邾也

叙事妙品
在魯事在六年闕
止字子我諸御馬
官名缺

十四年春。○小邾射以句繹來奔。曰：使季路要我，吾無盟矣。使子路辭。季康子使冉有謂之曰：千乘之國，不信其盟，而信子之言，子何辱焉？對曰：魯有事于小邾，不敢問故，死其城下，可也。彼不臣而濟其言，是義之也。由弗能。齊簡公之在魯也，闕止有寵焉。及即位，使為政。陳成子憚之，驟顧諸朝。諸御執言於公曰：陳闕不可。

夕入視事逢逆殺
人

使逆詐病因內潘
沐而暗夾酒肉以
入潘音翻米汁以
沐頭者子我陳逆
懼諸陳為患故盟
豹陳氏族使言三
句歲數折叙得簡
妙至叙狀貌若無
要緊然想見當時
相告語意自有致
味 身長背曲望
視目能望日

叙諸人語俱以簡
勝 子行陳逆字

並也。君其擇焉。弗聽。子我夕，陳逆殺人，逢之，遂執以入。陳氏方睦，使疾而遺之潘沐，備酒肉焉。饗守囚者，醉而殺之，而逃。子我盟諸陳於陳宗。初，陳豹欲為子我臣，使公孫言已。已有喪而止。既而言之，曰：有陳豹者，長而上僂，望視事，君子必得志。欲為子臣，吾憚其為人，也。故緩以告。子我曰：何害？是其在我也。使為臣。他日與之言政，說遂有寵。謂之曰：我盡逐陳氏而立女。若何？對曰：我遠於陳氏矣。且其違者不過數人，何盡逐焉？遂告陳氏子行，曰：彼



弗先言不先殺之
子行先逃隱于陳
氏今又隱于公宮
幄帳也聽政之處
子行內應故納成
子兄弟閉門不納
子我殺子我侍人

除害除子我

成子詐欲出亡子
行殺之弑君

大陸子方子我臣

得君弗先必禍子。子行舍於公宮。夏五月壬申。成子兄弟四乘如公。子我在幄。出逆之。遂入。閉門。侍人禦之。子行殺侍人。公與婦人飲酒于檀臺。成子遷諸寢。公執戈將擊之。大史子餘曰：非不利也將除害也。成子出舍于庫。聞公猶怒。將出曰：何所無？君子行抽劍曰：需事之賊也。誰非陳宗？所不殺子者有如陳宗。乃止。子我歸。屬徒攻闈與大門。皆不勝。乃出。陳氏追之。失道於介中。適豐丘。豐丘人執之以告。殺諸郭闕。成子將殺大陸子方。陳逆請而

子方矯公命取道
中行人車影人知
之奪其車逐之使
東

東郭買即子方

首尾關照

叙事辭令妙品
害備也大人公母
使王數請享于雕
示親愛使不忌也
欲因易邑享公而
作亂 家備私家
甲兵之備
皇野官司馬字子

免之。以公命取車於道。及矜。眾知而東之。出雍門。陳豹與之車。弗受。曰：逆為余請。豹與余車。余有私焉。事子我而有私於其讐。何以見魯衛之士。東郭賈奔衛。庚辰。陳恒執公於舒州。公曰：吾早從鞅之言。不及此。

宋桓魋之寵害於公。公使夫人驟請享焉。而將討之。未及。魋先謀公。請以鞏易薄。公曰：不可。薄宗邑也。乃益鞏七邑。而請享公焉。以日中為期。家備盡。往。公知之。告皇野曰：余長魋也。今將禍余。請即救



仲長謂少長育之

左師雁兄向巢

曲至

給語工絕即口匪語而鍊得入妙

迹人主迹禽獸之人逢澤一名蓬池

介大也若以遊戲之事不敢告子而野試私請焉

與之言請盟也恐事定之後罪及左師

瑞發兵之符節

司馬子仲曰。有臣不順。神之所惡也。而况人乎。敢不承命。不得左師。不可。請以君命召之。左師每食。擊鐘。聞鐘聲。公曰。夫子將食。既食。又奏。公曰。可矣。以乘車往。曰。迹人來告。曰。逢澤有介麋焉。公曰。雖。雁。未。來。得。左。師。吾。與。之。田。若。何。君。憚。告。子。野。曰。嘗。私。焉。君。欲。速。故。以。乘。車。逆。子。與。之。乘。至。公。告。之。故。拜。不。能。起。司。馬。曰。君。與。之。言。公。曰。所。難。子。者。上。有。天。下。有。先。君。對。曰。雁。之。不。共。宋。之。禍。也。敢。不。唯。命。是。聽。司。馬。請。瑞。焉。以。命。其。徒。攻。桓。氏。其。父。兄。故。臣。

願首祈雁弟

欲入攻君子車亦

雁弟

質大夫取雁黨以

質于公不能雁不

可也又入曹欲取

其子弟以為質用

巢之心無非欲誘

雁以弱其勢耳至

于燕雉而出奔與

牛奔齊同義

乃舍之三字上下

俱難協未詳

曰。不可。其新臣曰。從吾君之命。遂攻之。子願騁而告桓司馬。司馬欲入。子車止之。曰。不能事君。而又伐國民。不與也。祇取死焉。向雁遂入于曹。以叛。六月。使左師巢伐之。欲質大夫以入焉。不能。亦入于曹。取質。雁曰。不可。既不能事君。又得罪于民。將若之何。乃舍之。民遂叛之。向雁奔衛。向巢來奔。宋公使止之。曰。寡人與子有言矣。不可以絕。向氏之祀。辭曰。臣之罪太。盡滅桓氏。可也。若以先臣之故而使有後。君之惠也。若臣則不可以入矣。司馬牛致。

叙至此又有許多委曲 珪守邑之符信出于衛地出亡在衛地也公文衛大夫義不與同國錄其卒葦憫賢者之窮亦明其義也

其邑與珪焉而適齊。向魍出於衛地。公文氏攻之。求夏后氏之璜焉。與之他玉而奔齊。陳成子使為次卿。司馬牛又致其邑焉而適吳。吳人惡之而反。趙簡子召之。陳成子亦召之。卒於魯郭門之外。阮氏葬諸丘輿。

魯與齊半承公問也宋儒疑為非孔子語屬甚

甲午。齊陳恒弑其君壬于舒州。孔丘三日齊而請伐齊。三。公曰。魯為齊弱久矣。子之伐之將若之何。對曰。陳恒弑其君民之不與者半。以魯之衆加齊之半。可克也。公曰。子告季孫。孔子辭退而告人曰。

吾以從大夫之後也。故不敢不言。

洩武伯小字宿一名成病謂民貪財

初孟孺子洩將圍馬於成。成宰公孫宿不受。曰。孟孫為成之病。不圍馬焉。孺子怒。襲成。從者不得入。乃反。成有司使孺子鞭之。秋八月辛丑。孟懿子卒。

有司以事使人于孟氏聽共夜之命

成人奔喪。弗內。袒免。哭于衢。聽共。弗許。懼不歸。十有五年春。王正月。成叛。夏五月。齊高無丕出奔北燕。鄭伯伐宋。秋八月。大雩。晉趙鞅帥師伐衛。冬。晉侯伐鄭。及齊平。一衛公孟彊出奔齊。

城輸以偪成

辭令妙品

桐汭桐水之曲

弓矢被伐

聘禮賔死未將命

則既斂于棺造于

朝介將命

廩然傾動貌

調古而色新

廢費通漢書

黃吳國之世給委

積一日即遷一次

急于致君命也

春秋左傳

卷三十一

五

必有齋

十五年春成叛于齊武伯伐成不克遂城輸

夏楚子西子期伐吳及桐汭陳侯使公孫貞子弔

焉及良而卒將以尸入吳子使大宰嚭勞且辭曰

以水潦之不時無乃廩然隕大夫之尸以重寡君

之憂寡君敢辭上介芋尹蓋對曰寡君聞楚為不

道薦伐吳國滅厥民人寡君使蓋備使弔君之下

吏無祿使人逢天之感大命隕隊絕世子良廢日

共積一日遷次今君命逆使人曰無以尸造于門

是○我○寡○君○之○命○委○于○草○莽○也○且○臣○聞○之○曰○事○死○如

遭喪乃得命而死

者與未將命異

此下勢稍縱然無

一語幸

虐士舊注俱云死

者無穢不以爲穢

也

時欲渡江故云

議論辭令妙品

權陳恒兄字子正

工其原不似說語

高妙絕群

事○生○禮○也○於○是○乎○有○朝○聘○而○終○以○尸○將○事○之○禮○又

有○朝○聘○而○遭○喪○之○禮○若○不○以○尸○將○命○是○遭○喪○而○還

也○無○乃○不○可○乎○以○禮○防○民○猶○或○踰○之○今○大○夫○曰○死

而○棄○之○是○棄○禮○也○其○何○以○爲○諸○侯○主○先○民○有○言○曰

無○穢○虐○士○備○使○奉○尸○將○命○苟○我○寡○君○之○命○達○於○君

所○雖○隕○于○深○淵○則○天○命○也○非○君○與○涉○人○之○過○也○吳

人○內○之

秋○齊○陳○瓘○如○楚○過○衛○仲○由○見○之○曰○天○或○者○以○陳○氏

爲○斧○斤○既○斲○喪○公○室○而○他○人○有○之○不○可○知○也○其○使

公○有○齋

公○有○齋

仕衛心于忠魯

成宰公孫宿

兩層誠嚴嚴之甚

成魯宗室青魯出奪是失其宗

禮客丁館

就魯衛也

形一與一取較若

列眉不容不心折

此辭令中之變務

戰國多祖之

春秋左傳 卷三十一 六 必有

終饗之亦不可知也若善魯以待時不亦可乎何必惡焉子玉曰然吾受命矣子使告我弟冬及齊平子服景伯如齊子贛為介見公孫成曰人皆臣人而有背人之心况齊人雖為子役其有不貳乎子周公之孫也多饗大利猶思不義利不可得而喪宗國將焉用之成曰善哉吾不早聞命陳成子館客曰寡君使恒告曰寡人願事君如事衛君景伯揖子贛而進之對曰寡君之願也昔晉人伐衛宵為衛故伐晉冠氏喪車五百因與衛地自濟以

註音的二十五家為一社藉畫而致

人羸避魯也

叙事能品

之往也使良夫往戚

三死死罪三為請

良夫為太子請

蒙衣為婦人服

西。禚。媚。杏。以。南。書。社。五。百。吳。人。加。敝。邑。以。亂。齊。因。其。病。取。謹。與。闡。寡。君。是。以。寒。心。若。得。視。衛。君。之。事。君。也。則。固。所。願。也。成。子。病。之。乃。歸。成。公。孫。宿。以。其。兵。甲。入。于。羸。衛。孔。圉。取。大。子。蒯。聃。之。姊。生。慳。孔。氏。之。豎。渾。良。夫。長。而。美。孔。文。子。卒。通。於。內。太。子。在。戚。孔。姬。使。之。焉。太。子。與。之。言。曰。苟。使。我。入。獲。國。服。冕。乘。軒。三。死。無。與。與。之。盟。為。請。於。伯。姬。閏。月。良。夫。與。太。子。入。舍。於。孔。氏。之。外。圃。昏。二。人。蒙。衣。而。乘。寺。人。羅。御。如。孔。氏。

春秋左傳

卷三十一 哀公

七

必有

介備甲與殺被軟

季子季路召獲衛大夫駕安車且飲食不欲戰也

弗及政弗及已食焉食孔氏祿

孔氏之老樂寧聞之稱州妾以告遂入適伯姬氏既食孔伯姬杖戈而先大子與五人介與殺從之迫孔悝於厠強盟之遂劫以登臺樂寧將飲酒炙未熟聞亂使告季子召獲駕乘車行爵食炙奉衛侯輒來奔季子將入遇子羔將出曰門已閉矣季子曰吾姑至焉子羔曰弗及不踐其難季子曰食焉不辟其難子羔遂出子路入及門公孫敢門焉曰無入為也季子曰是公孫也求利焉而逃其難由不然利其祿必救其患有使者出乃入曰大子

言已必繼孔悝為難攻大子

莊公即蒯聵

故政出公時執政者

事在十五年而書于十六年以告日書也

焉用孔悝雖殺之必或繼之且曰大子無勇若燔臺半必舍孔叔大子聞之懼下石乞孟釐敵子路以戈擊之斷纓子路曰君子死冠不免結纓而死孔子聞衛亂曰柴也其來由也死矣孔悝立莊公莊公害故政欲盡去之先謂司徒購成曰寡人離病于外久矣子請亦嘗之歸告褚師比欲與之伐公不果

十有六年春王正月己卯衛世子蒯聵自戚入于衛 衛侯輒來奔 二月衛子還成出奔宋

夏四月己丑孔丘卒

說今妙語
鄆武子名胙

淨甚

成父世業

方休天之休方始

詠詞自古隋勿以
兩失掩也

愆也

十六年春。曠成褚師比出奔宋。衛侯使鄆武子告于周。曰。蒯賁得罪于君父。君母。逋竄于晉。晉以王室之故。不棄兄弟。寘諸河上。天誘其衷。獲嗣守封焉。使下臣胙敢告執事。王使單平公對曰。胙以嘉命來告。余一人。往謂叔父。余嘉乃成。世復爾祿。次敬之哉。方天之休。弗敬弗休。悔其可追。夏四月己丑。孔丘卒。公誅之曰。旻天不弔。不愆遺一老。俾屏余一人。以在位。玆玆余在疚。嗚呼哀哉。

無所取法

緊爭之極

唯天子稱予一人

愆負孔悝不欲令人見

使副車還取孔氏廟主

升為大夫
悝見祏久不至使公為反逆之

或人以子伯車從許為

尼父。無自律。子贛曰。君其不沒於魯乎。夫子之言曰。禮失則昏。名失則愆。失志為昏。失所為愆。生不能用。死而誅之。非禮也。稱一人。非名也。君兩失之。六月。衛侯飲孔悝酒於平陽。重酬之。大夫皆有納焉。醉而送之。夜半而遣之。載伯姬於平陽而行。及西門。使貳車反祏於西圃。子伯季子初為孔氏臣。新登于公。請追之。遇載祏者。殺而乘其車。許公為反祏。遇之。曰。與不仁人爭。明無不勝。必使先射。射三發。皆遠。許為射之。殪。或以其車從。得祏於

橐中孔悝出奔宋

楚大子建之遇讒也。自城父奔。又辟華氏之亂於

鄭。鄭人甚善之。又適晉。與晉人謀襲鄭。乃求復焉。

鄭人復之如初。晉人使諜於子木。請行而期焉。子

木暴虐於其私邑。邑人訴之。鄭人省之。得晉諜焉。

遂殺子木。其子曰勝。在吳。子西欲召之。葉公曰。吾

聞勝也。詐而亂。無乃害乎。子西曰。吾聞勝也。信而

勇。不為不利。舍諸邊竟。使備藩焉。葉公曰。周仁之

謂信。率義之謂勇。吾聞勝也。好復言而求死士。殆

有私乎。復言。非信也。期死。非勇也。子必悔之。弗從。

召之。使處吳竟。為白公。請伐鄭。子西曰。楚未節也。

不然。吾不忘也。他日又請。許之。未起師。晉人伐鄭。

楚救之。與之盟。勝怒曰。鄭人在此。讐不遠矣。勝自

厲劍。子期之子平見之。曰。王孫何自厲也。曰。勝以

直聞。不告女庸為直乎。將以殺爾父。平以告子西。

子西曰。勝如卵。余翼而長之。楚國第我死。令尹司

馬。非勝而誰。勝聞之。曰。令尹之狂也。得死。乃非我。

子西不悛。勝謂石乞曰。王與二卿士。皆五百當之。

敘事神品 直是

一白公傳

城父事在昭十九

年奔鄭在昭廿年

初甚善之而謀襲

焉繼復之如初而

謀焉如此人那得

不生白公

子木建字本請期

而行却倒用句

小信多許小勇必

亂相反而相似辨

得精確

周仁猶云周于德

如此點出快甚

楚國新破政令未

節

比子西于鄭

此事三奇勝直云

奇子西不虞奇勝

又直云奇

第用人有次

假使令尹得善終

除非無了我

此段亦三奇當五

春秋左傳

卷三十 哀公

公在齊

九

必不

九

必不

九

必不

九

必不

九

必不

九

必不

百奇辭不動奇料其不洩奇

人奇事奇疾得濃

又有此二奇

豫章大木也

亂人語亦自舒鍾

則可矣。乞曰：不可得也。曰：市南有熊宜僚者，若得之，可以當五百人矣。乃從白公而見之。秋、簡、勁、與之言說，告之故辭，承之以劍，不動。勝曰：不為利諂，不為威惕，不洩人言，以求媚者，去之。吳人伐慎，白公敗之，請以戰備獻，許之。遂作亂。秋七月，殺子西。子期于朝而劫惠王。子西以袂掩面而死。子期曰：昔者吾以力事君，不可以弗終。抉豫章以殺人而後死，石乞曰：焚庫弒王，不然不濟。白公曰：不可弒王，不祥。焚庫無聚，將何以守矣。乞曰：有楚國而治其民，以

避入奇

管修賢士管仲後

子間名啓平王子

尹門掌門圍公馬官之長名陽穴宮

墻以出王昭夫人

惠王母越女一胃也兩路相形奇絕

敬事神，可以得祥，且有聚矣。何患弗從？葉公在蔡方城之外，皆曰：可以入矣。子高曰：吾聞之，以險徼幸者，其求無饜，偏重必離。聞其殺齊管修也，而後入。白公欲以子間為王，子間不可，遂劫以兵。子間曰：王孫若安靖楚國，匡正王室，而後庇焉。啟之願也，敢不聽從。若將專利，以傾王室，不顧楚國，有死不能，遂殺之。而以王如高府。石乞尹門，圍公陽穴宮。負王以如昭夫人之宮。接後八葉公亦至。及北門，或遇之，曰：君胡不胄？國人望君，如望慈父母焉。盜賊之

後論比前更深至
更婉曲更道勁然
非得前論相映發
何由見其神絕文
章所以重賔主夾
行 幾冀望也艾
安也戴胄則面掩

二子指子西子期

微匿其戶

不諱其知而受烹
不言奇甚須此一
奇方結白公 長
者指白公

○君○利○在○傳○
○矢○若○傷○君○是○絕○民○望○也○若○之○何○不○胄○乃○胄○而○進○又
○遇○一○人○曰○君○胡○胄○國○人○望○君○如○望○歲○焉○日○月○以○幾
○若○見○君○面○是○得○艾○也○民○知○不○死○其○亦○夫○有○奮○心○猶
○將○旌○君○以○徇○於○國○而○又○掩○面○以○絕○民○望○不○亦○甚○乎
○乃○免○胄○而○進○遇○箴○尹○固○帥○其○屬○將○與○白○公○子○高○曰
○微○二○子○者○楚○不○國○矣○棄○德○從○賊○其○可○保○乎○乃○從○葉
○公○使○與○國○人○以○攻○白○公○白○公○奔○山○而○縊○其○徒○微○之
○生○拘○石○乞○而○問○白○公○之○死○焉○對○曰○余○知○其○死○所○而
○長○者○使○余○勿○言○曰○不○言○將○烹○乞○曰○此○事○也○克○則○為

勝弟頰音嬰頰

吳地二事令尹

馬寧子西子寬

期子款二事老

葉結葉公亦是

一奇

夢變以能占夢見

愛

占夢卜人豈可變

語如畫

輒亡盡以其寶行
故贖不得器疾太
子也亡君輒也釋
其才則立之若不
才則廢之而寶可
得矣

○卿○不○克○則○烹○固○其○所○也○何○害○乃○烹○石○乞○王○孫○燕○奔
○頰○黃○氏○沈○諸○梁○兼○二○事○國○寧○乃○使○寧○為○令○尹○使○寬
○為○司○馬○而○老○於○葉
○衛○侯○占○夢○嬖○人○求○酒○於○大○叔○僖○子○不○得○與○卜○人○比
○而○告○公○曰○君○有○大○臣○在○西○南○隅○弗○去○懼○害○乃○逐○大
○叔○遺○遺○奔○晉

○衛○侯○謂○渾○良○夫○曰○吾○繼○先○君○而○不○得○其○器○若○之○何
○良○夫○代○執○火○者○而○言○曰○疾○與○亡○君○皆○君○之○子○也○君
○之○而○擇○材○焉○可○也○若○不○材○器○可○得○也○豎○告○大○子○大

諸哉口然而心不允之意

子使五人與緘從已。劫公而強盟之。且請殺良夫。公曰。其盟免三死。曰。請三之後有罪。殺之。公曰。諾哉。

代執火者屏左右也。而不出屏。左右蘊籍可法。○公以五人與緘劫。狸太子即以劫公作法。可不慎哉。

籍田之圃

十七年春。衛侯為虎幄於籍圃。成求令名者。而與

始食落成也

之始食焉。太子請使良夫。良夫乘衷甸。兩牡。紫衣。

衷甸。卿車。紫衣。狐裘。褻服。袒。不釋為

狐裘。至袒裘。不釋劍。而食。太子使牽以退。數之以

三罪

三罪而殺之。

甸。即乘也。四丘為甸。出車一乘。衷中。也。兵車一轅。二馬夾之。併外二驂。是為四牡。今雖止乘兩牡。而

車制則卿矣。故曰。衷甸。若大夫之車。止兩馬也。○楊用修云。紫不為公服。自隋煬征遼。百官賜紫舊

註云。紫衣君服也。未詳。

吳以三帥肄楚。又曰。多方以誤之。今

三月。越子伐吳。吳子禦之笠澤。夾水而陳。越子為

其具報矣。笠澤

今太湖。甸卒鉤伍。音別為左右屯。

左右。甸卒。使夜或左。或右。鼓譟而進。吳師分以禦之。越子以三軍潛涉。當吳中軍而鼓之。吳師大亂。

遂敗之。

辭令能品。志父執別名。

晉趙鞅使告于衛曰。君之在晉也。志父為主。請君若。大子來。以免志父。不然。寡君其曰。志父之為也。

杯諂諸攻擊也一云實也實其父之罪也服禮服

簡子何佞也

叙事議論能品

子西子期

民慢在無令德却
不先說待問而
明更有色
穀言自有文理但

衛侯辭以難。大子又使杯之。夏六月，趙鞅圍衛，齊國觀陳瓘救衛，得晉人之致師者。子玉使服而見之，曰：「國子實執齊柄，而命瓘曰：『無辟晉師，豈敢廢命。』子又何辱。」簡子曰：「我卜伐衛，未卜與齊戰，乃還。」楚白公之亂，陳人恃其聚而侵楚，楚既寧，將取陳麥。楚子問帥於大師，子穀與葉公諸梁，子穀曰：「右領差車與左史老皆相令尹司馬以伐陳，其可使也。」子高曰：「率賤民慢之懼，不用命焉。」子穀曰：「觀丁父都俘也。」武王以為軍率，是以克州蓼，服隨唐，大

未審德耳

開封畛北至汝水

諂差也

子西伐吳陳使貞
子甲吳以此為恨

右領左史

武城尹子西子公

似卜暗卜子魚惠
王弟

志望也
過相將為王
子國即寧

啟羣蠻，彭仲爽，申俘也。文王以為令尹，實縣申息。朝陳蔡，封畛於汝，唯其任也。何賤之有。子高曰：「天命不諂，令尹有憾於陳，天若亡之，其必令尹之子是與。君盍舍焉。」臣懼右領與左史有二俘之賤，而無其令德也。王卜之，武城尹吉使帥師取陳麥，陳人御之，敗。遂圍陳。秋七月，己卯，楚公孫朝帥師滅陳。王與葉公枚卜子良，以為令尹。沈尹朱曰：「吉。」過於其志。葉公曰：「王子而相國，過將何為。」他日改卜子國，而使為令尹。

叙事能品碎叙儘
有生色而色態未
濃

使衛侯得國若瓜
之初生以小成大
也

詭云不害寘色而
逃以避害也貞正
也正卜夢之吉凶

寘音稱
方羊彷彿不安也
裔音裔也

鄭音菊

戎州戎聚居處

衛侯夢于北宮見人登昆吾之觀被髮北面而譟
曰登此昆吾之虛縣縣生之瓜余為渾良夫叫天
無辜公親筮之胥彌赦占之曰不害與之邑寘之
而逃奔宋衛侯貞卜其繇曰如魚窺尾衡流而方
羊裔焉大國滅之將亡闔門塞竇乃自後踰冬十
月晉復伐衛入其郛將入城簡子曰止叔向有言
曰怙亂滅國者無後衛人出莊公而與晉平晉立
襄公之孫般師而還十一月衛侯自鄆入般師出
初公登城以望見戎州問之以告公曰我姬姓也

翦之痕其邑聚
圍石惡從子衛卿

了貞卜繇案

已氏戎人姓呂姜
莊公夫人髮音地
姜也

蒯聩有國二年而
殺于已氏
子起靈公子

何戎之有焉翦之公使匠久公欲逐石圃未及而
難作辛巳石圃因匠氏攻公公閉門而請弗許踰
於北方而隊折股戎州人攻之大子疾公子青踰
從公戎州人殺之公入于戎州已氏初公自城上
見已氏之妻髮美使髡之以為呂姜髮既入焉而
示之璧曰活我吾與女璧已氏曰殺女璧其焉往
遂殺之而取其璧衛人復公孫般師而立之十二
月齊人伐衛衛人請平立子起執般師以歸舍諸
潞

叙事議論俱簡淨之極能品

鄆衍七年祭陽鄆之會也十二年

叙事具品鄆音護

伯非我之兄

右師即瑗

公會齊侯盟于蒙。孟武伯相。齊侯稽首。公拜齊人怒。武伯曰：非天子寡君無所稽首。武伯問於高柴曰：諸侯盟誰執牛耳？季羔曰：鄆衍之役吳公子姑曹發陽之役衛石魍。武伯曰：然則彘也。宋皇瑗之子麋有友曰田丙而奪其兄鄆般邑以與之。鄆般愠而行告桓司馬之臣子儀克。子儀克適宋告夫人曰：麋將納桓氏。公問諸子仲。初子仲將以杞妣之子非我為子。麋曰：必立伯也。是良材。子仲怒弗從。故對曰：右師則老矣不識麋也。公執

之皇瑗奔晉召之

何不罪子仲

緩瑗從子

叙事妙品

如志滿所期望也

寧子國名

承承同佐貳也

柏舉之役寢尹吳

由于以背受戈工

尹遂固執燧象奔吳師

蔽斷也昆後也

下于平日不下于

臨時故不煩

緩為右師

十八年春宋殺皇瑗。公聞其情復皇氏之族。使皇瑗為右師。巴人伐楚圍鄆。初右司馬子國之卜也。觀瞻曰如志。故命之。及巴師至將卜師。王曰：寧如志何卜焉。使帥師而行請承。王曰：寢尹工尹勤先君者也。三月楚公孫寧吳由于遠固敗巴師于鄆。故封子國於析。君子曰：惠王知志。夏書曰：官占唯能蔽志。昆命于元龜。其是之謂乎。志曰：聖人不煩卜筮。惠王



春秋左傳卷三十一 襄公二十一年 必有齊

衛之君凡數易如
弈棋矣

若與楚構怨使吳
不為階

報越也三夷從越
二種之夷言男
無君長也
叔青叔還之子

有讒而未沉鍊
越

叙事辭不能
孟襄子名無
時有父簡子喪有
則減膳今又降
于居喪

惘然令人墮淚

隆欲入見吳王必
越不聽故偽詞也

其有焉

夏衛石圃逐其君起起奔齊衛侯輒自齊復歸逐石圃而復石魁與大叔遺

十九年春越人侵楚以誤吳也

夏楚公子慶公孫寬追越師至冥不及乃還

秋楚沈諸梁伐東夷三夷男女及楚師盟于敖

冬叔青如京師敬王崩故也

二十年春齊人來徵會夏會于廩丘為鄭故謀伐

晉鄭人辭諸侯秋師還

吳公子慶忌驟諫吳子曰不改必亡弗聽出居于

艾遂適楚聞越將伐吳冬請歸平越遂歸欲除不

患者以說于越吳人殺之

十一月越圍吳趙孟降於喪食楚隆曰三年之喪

執驅之極也主又降之無乃有故乎趙孟曰黃池

之役先主與吳王有質曰好惡同之今越圍吳嗣

子不廢舊業而敵之非晉之所能及也吾是以為

降楚隆曰若使吳王知之若何趙孟曰可乎隆曰

請嘗之乃往先造于越軍曰吳犯聞上國多矣聞

水火三傳 卷三十一 哀公 二十一年

說越人

問遺也
沉痛語
溺精流不止將死也必笑不絕口喻已將亡而問問也
類即蔡墨曾云不

君親討焉。諸夏之人莫不欣喜。唯恐君志之不從。請入視之。許之。告于吳王曰。寡君之老無恤。使陪臣隆敢展謝其不共。黃池之役。君之先臣志父得承齊盟。曰。好惡同之。今君在難。無恤不敢憚勞。非晉國之所能及也。使陪臣敢展布之。王拜稽首曰。寡人不佞。不能事越。以為大夫憂。拜命之辱。與之一簞珠。使問趙孟曰。勾踐將生憂寡人。寡人死之。不得矣。王曰。溺人必笑。吾將有問也。史黯何以得為君子。對曰。黯也。進不見惡。退無謗言。王曰。宜哉。

改四十年吳欲亡

辭令能品

舉廢也數年不覺
齊稽首高蹈遠行也唯據周禮不通時變使我齊鄰不樂

齊侯未至魯君急來故以遠車傳告復指來告者舟道齊地
答只一語固有致八年為吳所四十年奔齊

二十一年夏五月越人始來

越既勝吳欲伯中國始遣使適魯

秋八月公及齊侯邾子盟于顧齊人責稽首。因歌之曰。魯人之臯。數年不覺。使我高蹈。唯其儒書。以為二國憂。是行也。公先至于陽穀。齊閭丘息曰。君辱舉玉趾。以在寡君之軍。羣臣將傳遽以告寡君。比其復也。君無乃勤為僕人之未次。請除館於舟道。辭曰。敢勤僕人。

二十二年夏四月邾隱公自齊奔越。曰。吳為無道。

宋火三傳

哀公

大

公奔齊

甬東今寧波定海縣

辭令妙品

景曹宋元公夫人

小邾女季桓子外

祖女 競盛也以

見不能遠達

彌增也從甥也

有奔旌馬有繫

言魯之馬可配

之旌繫 終梁邾

之言政在季氏

之言政在季氏

議論能品

執父立子。越人歸之。太子革奔越。冬十一月丁卯。越滅吳。請使吳王居甬東。辭曰。孤老矣。焉能事君。乃縊。越人以歸。二十三年春。宋景曹卒。季康子使冉有弔且送葬。曰。敝邑有社稷之事。使肥與有職。競焉。是以不得助。執紼。使求從輿人。曰。以肥之得。備彌甥也。有不腆先人之產馬。使求薦諸夫人之宰。其可以稱旌繁乎。夏六月。晉荀瑶伐齊。高無平帥師御之。知伯視齊

及壘而還無敢與

交鋒者 長武子

晉大夫

莊而不祧是初傷

夷齊大夫顏承亂禽顏庚

師馬駭。遂驅之。曰。齊人知余旗。其謂余畏而反也。及壘而還。將戰。長武子請卜。知伯曰。君告于天子。而卜之以守龜。于宗祧。吉矣。吾又何卜焉。且齊人取我英丘。君命瑤。非敢耀武也。治英丘也。以辭伐罪。足矣。何必卜。壬辰。戰于犁丘。齊師敗績。知伯親禽顏庚。

秋八月。叔青如越。始使越也。越諸鞅來聘。報叔青也。二十四年。夏四月。晉侯將伐齊。使來乞師。曰。昔臧

辭令具品議論能

春秋左傳

卷三十一 哀公

七

公何齊

取穀倍二十六年
取汶陽成二年

晉軍更發令繕治
戰備而齊臣萊章

度其不進
覺音衛過也俗云

跨大步
以牛饋臧石且令
太史致謝

不度不如禮度

議論具品
荆哀公庶子宗人

春秋左傳

卷三十一

齊

必不齊

文仲以楚師伐齊取穀宣叔以晉師伐齊取汶陽
寡君欲徵福於周公願乞靈於臧氏臧石帥師會
之取廩丘軍吏令繕將進萊章曰君卑政暴往歲
克敵今又勝都天奉多矣又焉能進是覺言也役
將班矣晉師乃還餽臧石牛大史謝之曰以寡君
之在行牢禮不度敢展謝之
邾子又無道越人執之以歸而立公子何何亦無
道

公子荆之母嬖將以為夫人使宗人釁夏獻其禮

禮

對曰無之公怒曰女為宗司立夫人國之大禮也
何故無之對曰周公及武公娶於薛孝惠娶於商
自桓以下娶於齊此禮也則有若以妾為夫人則
固無其禮也公卒立之而以荆為太子國人始惡
之

閏月公如越得太子適郢將妻公而多與之地公
孫有山使告於季孫季孫懼使因大宰嚭而納賂
焉乃止

二十五年夏五月庚辰衛侯出奔宋衛侯為靈

叙事妙品 亦是
提綱叙法然有傳

春秋左傳

卷三十一 哀公

齊

必不齊

無經提綱固宜

輒得國七年而奔

聲子名比古者見

君解鞵

有疾足瘡殺音聲

嘔吐

辭為請罪也戰手

屈二指堅三指如

戟形褚師聞之聲

高而徹于外也

南氏公孫彌子

公文懿子公之要

夏丁氏夏戊

彭封彌子即彌子

取

期夏戊之子姊妹

之孫為從孫甥

後盟拳彌辱彌也

叙六事或略或詳

風致不之而筆力

驅遣如意但見其

淨而肥

入拳彌為內藏記

之出亡 特勇而

剛則害君不如出

亡言彌曠亂不速

奔故為戎州所殺

欲今早去目下下

可留待眾怒息而

後易間也此拳彌

二區謀也

三將適作波大有

邑能

城鉏宋邑宋南近

越轉相鉤牽

言君以質自隨將

致衛盜請速行已

春秋左傳

卷三十一

叙得細鍊有致

必不齊

于藉圃與諸大夫飲酒焉。褚師聲子鞵而登席。公怒。辭曰：臣有疾，異於人。若見之，君將殺之。是以不敢。公愈怒。大夫辭之不可。褚師出，公戟其手曰：必斷而足。聞之，褚師與司寇亥乘曰：今日幸而後亡，公之入也。奪南氏邑，而奪司寇亥政。公使侍人納公文懿子之車于池。初，衛人翦夏丁氏，以其帑賜彭封彌子。彌子飲公酒，納夏戊之女嬖，以為夫人。其弟期，大叔疾之從孫甥也。少畜於公，以為司徒。夫人寵衰，期得罪。公使三匠炙公，使優狡盟拳彌。

而甚近信之。故褚師比公孫彌牟。公文要司寇亥。司徒期因三匠與拳彌以作亂，皆執利兵。無者執斤。使拳彌入于公宮，而自太子疾之宮謀以攻公。鄆子士請禦之。彌援其手曰：子則勇矣，將若君何？不見先君乎？君何所不逞欲，且君嘗在外矣，豈必不反？當今不可。眾怒難犯，休而易間也。乃出將適蒲。彌曰：晉無信，不可。將適鄆。彌曰：齊晉爭我，不可。將適泠。彌曰：魯不足與，請適城鉏。以鉤越。越有君，乃適城鉏。彌曰：衛盜不可知也，請速自我始。乃載

春秋左傳

卷三十一 哀公

三

公孫彌

為先發蓋詔之而已載寶歸衛也
又離陣名
知之知揮為內間
子之即彌牟

難面逐之光申逐
之令于其家信再
宿也外里公所往
見符懿之言

辭今妙品寫得情
態宛然言外
言季孟不臣之言
甚多今試極觀之
祝上壽也意氣不
合見面即憎大抵

飲酒罰武伯
大行遠行言重隨
君切勞不宜復言
其肥公言重在我
左在飽人之惡言
多矣
叙事妙品細鍊之
穉史中唯司馬得
其四五

憊虐之性不能久
忍必以兵戕害衛
民民乃恨君而睦
子不納無害矣轉
計入似國策
定子比之父掘墓
焚尸徵其復虐
私臯如致眾問俱
深計周曲兩重鐵

寶以歸。公為支離之卒。因祝史揮以侵衛。衛人病之。懿子知之。見子之。請逐揮。文子曰。無罪。懿子曰。彼好專利而妄。夫見君之入也。將先道焉。若逐之。必出於南門。而適君所。夫越新得諸侯。將必請師。馬揮在朝。使吏遣諸其室。揮出。信弗內。五日。乃館諸外里。遂有寵。使如越。請師。

六月。公至自越。季康子孟武伯逆於五梧。郭重僕見二子曰。惡言多矣。君請盡之。公宴於五梧。武伯為祝。惡。郭重曰。何肥也。季孫曰。請飲。疏也。以魯國

之密。邇仇讐。臣是以不獲從君。克免於大行。又謂重也。肥。公曰。是食言多矣。能無肥乎。飲酒不樂。公與大夫始有惡。

二十六年。夏五月。叔孫舒帥師會越。臯如。后庸宋樂莪。納衛侯。文子欲納之。懿子曰。君懷而虐。少待之。必毒於民。乃睦於子矣。師侵外州。大獲。出禦之。大敗。掘褚師定子之墓。焚之于平莊之上。文子使王孫齊私於臯如。曰。子將大滅衛乎。抑納君而已乎。臯如曰。寡君之命無他。納衛君而已。文子致眾

哀公

關方好行賂

申令開重門納公而嚴設守備以恐之如是而越師可

還報命真是八而

玲瓏 悼公名黜

靈公廢子 公曰

輒言夫人輒妃期

之姊怒期不得殺

今官女困苦其

忿期而逐殺

人之姊了懷虐

能品 周兀

得後為昭

懷非我從弟

降心和向以聽政

大尹近官因之以

通達于君

勢重而無德為基

連中別館名

奉公尸歸 下下

國

何密至此然而竟

忘以已與盟乃知

春秋左傳

卷三十一

三

必不

而問焉曰君以蠻夷伐國國幾亡矣請納之衆曰勿納曰彌牟亡而有益請自北門出衆曰勿出重賂越人申開守陴而納公公不敢入師還立悼公南氏相之以城鉏與越人公曰期則為此令苟有怨於夫人者報之司徒期聘於越公攻而奪之幣期告王王命取之期以衆取之公怒殺期之甥之為大子者遂率于越宋景公無子取公孫周之子得與啓齋諸公宮未有立焉於是皇緩為右師皇非我為大司馬皇

為司徒靈不緩為左師樂棧為司城樂朱鉏為大司寇六卿三族降聽政因大尹以達大尹常不告而以其欲稱君命以令國人惡之司城欲去大尹左師曰縱之使盈其罪重而無基能無敝乎冬十月公游于空澤辛巳卒于連中大尹與空澤之士千甲奉公自空桐入如沃宮使召六子曰聞下有師君請六子畫六子至以甲劫之曰君有疾病請二三子盟乃盟于少寢之庭曰無為公室不利大尹立啟奉喪殯于大宮三日而後國人知之司城

春秋左傳

卷三十一 哀公

三

必不

機械盡處必有味

北首死象在門外
失國也味首豈鳥

少寢但以君命盟

子潞樂我得樂得
左師不緩

動以富不若動以
救君乃知民有秉

別辨也大尹言無
有證據一云號令
與君無辨公公室

流列其罪狀

議論能品
周道

春秋左傳

卷三十一

三

必不

我使宣言于國曰大尹惑盡其君而專其利今君
無疾而死死又匿之是無他矣大尹之罪也得夢
啓北首而寢於盧門之外已爲鳥而集於其上味
加於南門尾加於桐門曰余夢美必立大尹謀曰
我不在盟無乃逐我復盟之乎使祝爲載書六子
在唐孟將盟之祝襄以載書告皇非我皇非我因
子潞門尹得左師謀曰民與我逐之乎皆歸授甲
使狗于國曰大尹惑盡其君以陵虐宮室與我者
救君者也衆曰與之大尹狗曰戴氏皇氏將不利

宮室與我者無憂不富衆曰無別戴氏皇氏欲伐
公樂得曰不可彼以陵公有罪我伐公則甚焉使
國人施于大尹大尹奉啟以奔楚乃立得司城爲
上卿盟曰三族共政無相害也

衛出公自城鉏使以弓問于贛且曰吾其入乎子
贛稽首受弓對曰臣不識也私於使者曰昔成公
孫於陳甯武子孫莊子爲宛濮之盟而君入獻公
孫於齊子鮮子展爲夷儀之盟而君入今君再在
孫矣內不聞獻之親外不聞成之卿則賜不識所

春秋左傳

卷三十一 哀公

三

必不

欲使魯遷邢田封
境至駘上
病之耻從夷盟

文子叔孫舒

言事過又不召用
他日臨事徒念之

過自貶抑

敘事能品

為將出師而會死
害者之子使朝三

日以禮之又設車
馬封邑與晉統孤
子以出屬以復仇

不知有師言令肅
衆整

于思國參 應云
敝邑在大國之宇

製雨衣

下七年楚獨滅陳
非鄭之罪蓋知伯
誣之然語自佳
衰中也察其中見
滅之由

由入也。詩曰：無競惟人，四方其順之。若得其人，四方以為主，而國於何有。

二十七年春，越子使后庸來聘，且言邾田封於駘。上二月，盟于平陽，三子皆從。康子病之，言及子贛，曰：若在此，吾不及此夫。武伯曰：然，何不召？曰：固將召之。文子曰：他日請之。

夏四月，己亥，季康子卒。八月，馬降禮。

晉荀瑶帥師伐鄭，次于桐丘。鄭駟弘請救于齊，齊師將與陳成子屬孤子，三日朝，設乘車兩馬，繫五

邑焉。召顏涿聚之子晉，曰：隰之役而父死焉，以國之多難，未女恤也。今君命女以是邑也，服車而朝，毋廢前勞，乃救鄭。及留舒，違穀七里，穀人不知。及濮，雨不涉。子思曰：大國在敝邑之宇下，是以告急。今師不行，恐無及也。成子衣製杖戈，立于阪上，馬不出者，助之鞭之。知伯聞之，乃還。曰：我卜伐鄭，不卜敵齊。使謂成子曰：大夫陳子，陳之自出，陳之不祀，鄭之罪也。故寡君使瑶察陳衷焉，謂大夫其恤陳乎？若利本之顛，瑶何有焉。成子怒曰：多陵人者

荀寅奔在齊

盡滅齊師

疑其為晉

悔于失言

問得以壽死否如
此發問及三精補

恍惚不守其舍矣
宜其出也

有陘即有山
公從其家出故施
以罪列國史云國
人迎公復歸薨于
有山

悼公哀公子名寧
自居卑下則可以
去其師

雖晉晉士
大夫也欲使
晉師以開
晉也久之
伯言自從知伯
久也簡子廢嫡

春秋左傳

卷三十一

三

必在

皆不在。知伯其能久乎。中行文子告成子曰。有自
晉師告寅者。將以輕車千乘。以厭齊師之門。則可
盡也。成子曰。寡君命恒曰。無及寡。無畏衆。雖過于
乘。敢辟之乎。將以子之命告寡君。文子曰。吾乃今
知所以亡。君子之謀也。始衷終皆舉之。而後入焉。
今我三不知而入之。不亦難乎。

公患三桓之侈也。欲以諸侯去之。三桓亦患公之
妄也。故君臣多間。公游于陵阪。遇孟武伯於孟氏
之衢。曰。請有問於子。余及死乎。對曰。臣無由知之。

三問。卒辭不對。公欲以越伐魯而去三桓。秋八月

甲戌。公如公孫有陘氏。因孫于邾。乃遂如越。國人
施公孫有山氏。

悼之四年。晉荀瑶帥師圍鄭。未至。鄭駟弘曰。知伯
懷而好勝。卑下之。則可行也。乃先保南里以待之。

知伯入南里。門于桔枵之門。鄭人俘鄩黓壘。賂之
以知政。閉其口而死。將門。知伯謂趙孟人之對曰。

王在此。知伯曰。惡而無勇。何以爲子。對曰。以能忍。
恥。庶無害趙宗乎。知伯不悛。趙襄子由是甚知伯。


春秋左傳

卷三十一

三

必在

子伯魯而立襄子
既知伯言其醜且
無勇何以爲子



春秋左傳
卷三十一
遂喪之。知伯貪而復，故韓魏反而喪之。

公孫氏之孫也
公孫氏之孫也
公孫氏之孫也

甲入公於公孫氏
因紆于公孫氏
三問公孫氏不
公孫氏之孫也

春秋左傳

